

Jisas - Alamlak

Mak

Makr dwandfamo gutnius mrokfot

Barkof kfo nuhas mrokfom

Barkof mrokfot Makrhu gonborngt yorhwat kfo memot, "AsomBro Nkifrarhu Yon Jisas Krairhu barkof gutnius mrokfefm." Makrhugonborngtn htirahn Jisasr bbukayeter yo bro yufayeter. Ror hingrnamohingrneftn yo ror namo nefmn htirahnt rorhu bbukeft yo rorhu broyufat. Ror bbuketrn, yo yufayetrn, tuhant yindars gutnius mrokfotkfo tebos nuhas bonuhasmorm, yo kmi yarhm, tek yarhm tamoh tamohyafotha bebm fak thumorm, yo bbinysf thofroh fasoh fasoh nefmrorn fak thuhemorm. Jisasr kfo memor, "Na Bro Najoma niamoyannbbinysf thofroh fasoh fasoh nefm mfha htaruhanm."

Makr kfo pthamo mrokfom Jisasr hingrnamoa hingrna yuharohmrokforpam kfo pthamor, to nd met yindarim hemo skur mrokfom,ndm nhai be mfro ptharmorm ndar gonborngt.

Barkofpam Jon Baftaisrhu tndh mrokfom Makr afo pthamor. Ndmphani tfit Jisasr baftaisr yaknihato Satanr yihato Jisasr kfonheh bonhehmo yuhat kfo tndhmorm. Ndmphano ee wonk wonk krhopam yaketmet yindarim Jisasr hti yuhuwafhato skur mrokfom hemorm.

Yo Jisasrhu disaiperm nhai hti hik bohikrmomm Jisasr namoanefm. Kto kto ee hti hikmomm Jisasr namoa nefm. Wuroh mrokfomhtirahnm yimam Jisasr nhai hifa nyingar htarmomr. Bro kurheftyakhato nohmorm. Minohafhato tfit sinyamor. Bro Nkifrarhu kingdomkfothu kfo nuhas mrokfom Jisasr mikfo nuhas hanyamo yuhat (Sapta 1.1--3.6)

1

Jon Baftaisr Bro Nkifrarhu mrokfom kfo pthamo yiham

(Matyu 3.1-12 yo Luk 3.1-9 yo Jon 1.19-28)

1 Asom Bro Nkifrarhu yon Jisas Krairhu barkof gutnius mrokfefm.

2 Bi profet Aisaiarn bi barkof mrokfot kfo memor,

"Ninhu yi mrokfefthu kfo nuhas hanyuk yimar bi kfo tkrurafhanyrhotanr bi rorn tohak hanyhato mrokfot bi kfo hanyrahrt.

Rorn bi tohak hanyhato yihotar bi yau mngon hanyrahrr."

Mal 3.1

3 "Wom yimar nungur tik furatn tohhato kfo mirahrko,

'Bro Nungothetrhu nia yuhat wayak marnyak hanyhekomr.' "

Ais 40.3

4 Nd kfo htamo mrokfot Jonrn kfomot. Jonrn nd nungur tkit furattoh habrihato met

yindarim kfo memourm, "Nikmoh fasoh fasoh nefmmong trohkahkomm baftaiskfot.

Baftaiskahtko Bro Nkifrar yak thuhirahrkonikmoh fasoh fasoh nefm."

5 Jerusalem thofm yo Judia-korhofm Jonrpn yihato nd rroh fasohfasoh nefm kfo

nriyafnimoamm tek Jodentn baftaisimmourm.

6 Nd yihart Jonr kamer tmb hingrnayet hmbreshat hmbremour yolet bando thaye nyuh dbkafmour yo rit papkumi winepam, ndm yehatotohmour.

7 Ndha ror tohhato kfo memor, "Nanhu mongko nia hnawa yimarn,tu bro bbukeft

hatohwor. Na nhai ror kanjo bbukeft hatohkaha.Na, na be yima furaya rorhu senderfhu ki jbkafyuk mtinf kak nyusakahukanr.\f (1.7)Wom yimar hatohyuk senderroh ki jbkafyuk mtinf yak nyusak thumoahat,tu yufapa duha yima furapamn womr hatohyuk senderm kak thumourm.\fe

8 Na tek bupa furaye baftaisimwanko. Kto ror niko yimako baftaisimthombat Bro Nkifrarhu Yafothaye baftaisimrahrko."

Jonr Jisasr baftaisimmo yuhat

(Matyu 3.13-17 yo Luk 3.21-22)

9 Be tor nd yiharn Jisasr Galilikorhof kmi Nasaret htanyhatoniamor. Niamotr Jonr tek Jodentn baftaisim-morr.

10 Jisasr baftaisneftpno wuyak muhakmorn tfit mfrsohneftpnoyura mountko htimortko rim rhu mrhumot. Yiro moun rifhu yuhatnwuhtiyak-mort Bro Nkifrarhu Yafothat ganyom mmkrs kanjo yak nhombranehatofawihnamot. Be nd ganyom mmkrs yawihnamotn yimar mirhumot.

11 Tfit yura mountko wom tngt wanymort. Nd tngt kfo hany memot, "Ni nanhu yone. Nanhu marbit korhwot ninn. Hifa hti yindhorwann."

Satanr memor, "Jisasr akfo nhebehahtanr fasoh nefm narahr."

(Matyu 4.1-11 yo Luk 4.1-13)

12 Be yudbatn Bro Nkifrarhu Yafothat niahato yak hatoh hanymottryimor nungur tik furatn.

13 Jisasr 40 yiham nd tkitt tohhato Satanr niahato kfo nhehbonhehmourr. Jisasr ndha tohmohat graf fohmpno tohmour. Mounmotmnyihato romn toh dbu hmbre yaknimotmr bbukeft tfit fakmor.

Jisasr Galilit rihingrnakmo yuhat

(Matyu 4.12-17 yo Luk 4.14-15)

14 Jonr bi kalabus yiyetrn to be Jisasrn Galiliko yihato BroNkifrarhu gutnius mrokfefm ptha habrimourm.

15 Kfo memour, "Asor bi tu yiha mifr. Bro Nkifrarhu kingdomkfofbi brbohwt. Nikmoh fasoh fasoh nefm wamong trohkahkomm Bro Nkifrarhugutnius mrokfotn wawany yakiokomm."

Jisasr yakmo barkof husfihus yimam

(Matyu 4.18-22 yo Luk 5.1-11)

16 Jisasr Galili bari thmbt yau hanyhato Saimon Andru najohfrugit yak yif hasetfn htimorf. Rof nd hingrneft hingrnahato marukakmouf.

17 Jisasr rof htihato kfo memorf, "Nann wania wahikfn. Nannwahikkahtfn yimaroh yakneft yak nuhasruhanfn."

18 Be rof inji wanyhato nd rugi wuskar myak htanihato mhikaknitwanhomofr.

19 Saimon Andru najohf yaknimorn tfit mbrnyi tefihato mhtimorfSebedirhu yon Jems Jonrof. Rof nhaf mmbtrn tohhato rugim fak nahudbofta hasomof.

20 Be rof mhtihato kfo memorf, "Nann wania wahikfn." Be yifemSebediri wom hingrna yimam mmbtrn htanyomofmn Jisasr mhikakni twanhomof.

Jisasr kmi yarh fknayet yimar yak marnyamo yuhat

(Luk 4.31-37)

21 Jisasr nd tur yak hanyomo hik tamnou yimampno yimomn Kaperneamt mifnahmom.

Ndha Kaperneamt tohetmn rhu krna Sabat yihar rhumomr. Nd yiharn Jisasr ndharhof rhu rifinyuk rmonrn yihato Bro Nkifrarhumrokfom rikfo nuhas bonuhasakmorm.

22 Jisasr mrokfom pthamohat nhai nd nkifra boririfhu tisamkanjo ptharmotr wanyrmomr. Nhai. Tu hifa ptha yembindtmotrm, yimamnd ror pthayuk mrokfom wanyhato bok dukefm yakhato duka memom, "Barenko, ndar yimar pthiwa mrokfom hifa ptha yembindt marnyewurm."

23 Nd rhu rifinyuk rmonrn rhumor kmi yarh fknayet yimar. Jisasrkfo nuhas hanyetrn nd yimar sinyahato tau nakuyafhato kfo huttmemor,

24 "Nasaret thof Jisase! Ni asha niaronn, nome finji naruhanom? Nmoh yak batit niaro? Hti nhtiwann ni Bro Nkifrar yak htamo yimaye."

25 Jisasr sinyahato nd kmi yarhr kfo huttmemorr, "Ni nd kmiyarhe, tmifn tngt wayoukikhahnt, nd yimar wathu troh tanyrn."

26 Nd kmi yarhr inji wany hambtunihato tau tneh fnahmorn ndyimar thu troh tanyomorr.

27 Nd yimam inji htihato be tuha mifoh rihanimom. Tuha tumrinakfo nakfo memom, "Bar yimako, ndart be tu wom nfrineft htitwonom. Nd yimar pthe mrokfote tamoh bbukettn nd kmi yarhr wany hambutananyhato nd yimar thu troh tanyrr?"

28 Be nd yima rihur nd neft htihato Galili kmi bugat nakfonuhashi hanyomom.

Jisasr Pitarhu matohemt yak marnyamo yuhat

(Matyu 8.14-15 yo Luk 4.38-39)

29 Be nd rhu rifinyuk rmont htanyhato tfit yimom Saimon Andrurofukunysn. Jems Jonrof rpatn nd Saimonrofhu kunysn fknenimof.

30 Saimonrhu matohemt kkah dbohneft yakmott hwemot. Jisasrfknenimohat kfo memomr, "Tot rot inji dbohnewut."

31 Be Jisasr wanyhato rotpno yihom tohhato tirtn wayakmortnteh kasinyamort. Be inji teh kasinyamort nd dbohneft thu trohtanymott. Be nd mett yudbat marnyani hanyhato sinyamotn yeshrimhta mskahemotm.

Jisasr bok met yindarim yak marnyamo yuhat

(Matyu 8.16-17 yo Luk 4.40-41)

32 Krifnano marr bi yohniyetrn, bok dbohnet dbohnetm, kmi yarhfknayetm hne hnamomm.

33 Nd kmithu met yindari bugat niahato nd ror rhumo kuny yifhatiktntia rifiny yukatohmomr.

34 Jisasr fnahnehato bok met yindariroh wonk wonk dbohnefmfak marnya hanyomom. Yo nd kmi yarh fknayetm fak thu hanyomom. Kmi yarhm Jisasr hti hikhato duka memom, "Ndarr tu Bro NkifrarhuYoner." Be ndnatn Jisasr kfo gadiyaf hanyomom, nhai tfit pthanianyomom.

Jisasr Galilit ptha habrimo yuhat

(Luk 4.42-44)

35 Tu dbha ksfutn Jisasr fnahnihato nddo yima toh duha tkittnyihato kfo bruttnamor.

36 Saimonri wom yarmotemrom htiyafo hanyhato hik hanyomomr.

37 Yau hikaknihato mhtimomr. Mhtihato kfo memomr, "Met yindarimhambriwumn."

38 Jisasr wanyhato kfo memomr, "Be tmifnom tfit wom nndohkmimn ainyom. Yiruhanomn na wom mrokfom kfo ptha nuhasruhanm. Na to nd mrokfom ptha habrineftn niamoya."

39 Be Jisasr Galilithu kmi kmim yi htfasmorn Judaroh rhu rifinyukrmonm yihato mrokfom ptha nuhas habri yo nd kmi yarh fknayet yimamyak marnya, inji na htfasmor.

Jisasr yak marnyamo lepra dbohneft yaket yimar

(Matyu 8.1-4 yo Luk 5.12-16)

40 Wom lepra dbohneft yaket yimar Jisasrpnno bangu mtabokmehatokfo naku memomr, "Jisase, ndar na hatohwa dbohneft ninhu tngekforahn, nd dbohneft thu troh tanyrahta."

41 Inji kfomotr, Jisasr yuhuwafhato nd leprayet yimarn tirrihtahato kfo memomr, "Nhai mrokfefm, yak thuruhant." Inji kfonihanyhato nd dbohneft kfo memomr, "Wathu trohnr."

42 Be inji kfomotr, nd dbohneft yudbat thu trohmotr.

43 Thu troh tanymottr Jisasr wom kfo duka mrokfot kfo memomr,

44 "Ni nda dbohneft thu troh tanyhat, mirahn tfit womm akfonuhasanm. Mosesrhu boririfhut yak hikkfot. Yimam lepra dbohneft yaketm marnyanimoahat inji namoum. Nd hun gifam prisrpnno myaknuhasnimoam, tarloh mthamoum. Nd tarloh mtha yiharn prism ndthihato kfo memomr, 'Nd yimarhu dbohneft bi thu troh tanymotr.' Ni nd yuhat yak hikkfot."

45 Inji kfo tungunafmotrr yimom. Yihato kfo nriyafmort. Boktng rihar rhu fnahmott, bok yimam wanyhato niamom. Be ndnatn Jisasrnhai tfit yiro kmim yihato met yindarimpnno naffrmoar. Be injiyima toh duha toh htfasmour. Inji toh htfasmoatr yimam be niahatohtimoum.

2

Jisasr tir wura minysafet yimar yak marnyamo yuhat

(Matyu 9.1-8 yo Luk 5.17-26)

1 Dfik marm yinyimotm tfit Kaperneamko yimom. Ndko yihato womkunys rhuhat pthamoatr met yindarim rhu wany yakitohmoum.

2 Nd kunyr rifinyaknimohat memom nddo tpmhur tohwar. Kuny yifhatikyuhat finji wom

finji yimar yihom fnahni mfnahnikfot. Ror Jisasrnd kunysn rhuhatu Bro Nkifrarhu mrokfom kfo ptha nuhasmourm.

3 Nd kunysn ptha hasetrn wom minysafet yimar husfihus yimamhnamomr.

4 Kunyr be tng mnderpat tohmotr, nhai wom yihotoham nd yimarhuhanyukm. Be inji htihatato yura kuny mingiahus yak tmbrafmomtto be nd yuhatn nd minysafet yimar fafho thumomr.

5 Nd yimar hany rim htamohat rroh dukefm duka memom, "Jisasryima yak marnyeter. Nda minysafet yimar ror kforahr be marnyanirahr. Nhai tfit nd minysaf rifhut rhuruhattr." Be Jisasr rroh yimayuhum inji htihatato kfo memorr nd yimar, "Bar yinowe, ninhu fasohnefm bi fak tuhahuyann."

6 Nkifra boririfhuthu tisam Jisasr pthamo tngt wanyhato tumrinahti nahtihatato kfo memom,

7 "Tamohmpno ndhtet mrokfot kfiwar? Kangr Bro Nkifrarhu tkittayaka. Nhai wom yima furarn yimaroh fasoh nefm yak thukfot. BroNkifrarpar yimaroh fasoh nefm kak thuworm."

8 Nd yimaroh yima yuhum inji dukamohat Jisasr bi htimorm. Htihatokfo memorm, "Tamohmpno inji riduka adukiwako?"

9 Kangko finji akfoyane? Kangko akfo amiyar, 'Ninhu fasohfasoh nefm bi fak tuhahuyann?' O kangko akfo amiya, 'Wasinyakahnnkrokt wayaknikahnt wayauyakni?'

10 Na, Bro Najoma, yimaroh fasoh fasoh nefroh yak thu yafothatBro Nkifrar bi hemora. Afo asomif wom neft yak nuhasrhotanko,duka mirahko nd yimar bro yufeter." Inji kfoi hanyhato nd tirwura minysafetr kfo memorr,

11 "Na kfiwann, wasinyakahnn krokt wayaknikahnt tunhu kunykwain."

12 Be inji kfomotrr, tuha nd yima rifinyrhu nyingahato wasinyamorn,nd tur hwemo krokt yakmortn, be yimor kunyko. Be nd toh rifinyhasoyuk yimar htihatato be tuha mrokfo duha tohmom. Tuha Bro Nkifrarhuyufat kfo yindhorhato kfo memom, "Nom hrekrpa ndhtet neft htitawonom."

Jisasr Lifair naku yakmo yuhat

(Matyu 9.9-13 yo Luk 5.27-32)

13 Jisasr tfit bari thmbko yimotr bok met yindarim rifinymotmBro Nkifrarhu mrokfom hemorm.

14 Mrokfom ptha tanyhato yimor. Yau hanyhato Alfiusrhu yonLifair yihom htimorr takis marut tuyuk kunyent rhu hasetrn. Yihomhtihatato kfo memorr, "Wania wahikna." Be Lifair sinyahato fakhikakni twanhomorr.

15 Jisasri disaiperm Lifairhu kunys yi nuwa yamohat bok takismarut yakyuk yimar yo fasoh nefm nayet yimar rpat yihato nuwafamom. Ndhtet ndhtet yimaroh Jisasrpn rpat yi htfasneft bi riruhakmot.Nhai be nd yiharpar hikrmomr.

16 Farisiroh boririfhuthu tisam htihatato rorhu disaipermnoyihato kfo memomm, "Tamohmpno nd takis yekwa yimami nd ufahnefm nayet yimampno rpat rhuhatu nuwa ye mskewar?"

17 Jisasr wanyhato kfo memorm, "Yima furam nhai be yi furakahmhunkotharpno. Nhai. Dbohnet yimarpam kitwom hunkotharpno. Na nhaidborioh yimaroh dukeftn niarmoya. Nhai. Na fasoh fasoh nefm nayetyimaroh dukeftn niamoya. Memoya, fasoh fasoh nefm nayet yimampnoyirhoyann, kforuhotanm, nd rroh fasoh nefm yafhorahmm."

Nuwa ye juha kfo bruttnanefthu kfo nuhas mrokfett

(Matyu 9.14-17 yo Luk 5.33-39)

18 Jon Baftaisrhu uhik ahik htfasyuk yimami Farisim nuwa kurhatoBro Nkifrarpar rroh yima yuhum htamom. Nd Jon Baftaisrhu yimamiFarisim inji namotm wom yimar htihatato Jisasrpn niahato kfo memomr,"Jonrhu uhik ahik htfasyuk yimami Farisiroh uhik ahik htfasyukmnuwa kurhato tohwam. To tamohmpno ninhu disaiperm nd rom hingrnewayuhat yak hik duha yitam?"

19 Jisasr kfo memorm, "Wom yimar kangr tuhan ayaka, ka ndrhoru tuhan yak yihar ka rorhu yimatm marifom afo nuwa kurhatoafo brioh tohrahnom? Ka inji narfom? Nhai. Nhai rompno yuhre tohetrnnndhtet neft narfotm.

20 To tfit kto yak hambrafurhamr, ee bt rorhu yimatm nuwa kurhatorhurahm.

21 Nhai yimar bingotrhof hmbresham muhetm rhuneft tfit nfrirmontha nmbrm yakhato nahukahmm. Yatk hmbreshathu muht tfit nfrirmonthaye nahuneft nfri rmontha nmbrtn teh hma bugarfott yatkmbreshat.

22 Yo nhai yimar nfri wain bupam yakhato yatk meme tha kpmntas hmbrikahmm. Nfri wain bupam yakhato yatk meme tha kpmn tashmbreneft nd nfri wain bupam rikur

prhoruhamn nd yatk meme thakpt frtfohhato wain bupam mitoh bugarahm. Ndnettn nfri wain bupamtu nfri meme tha kpe tas hmbrihato be nhai kpm yoh tfoh inji naruhatm."

Rhu krna Sabat yiharhu mrokfot

(Matyu 12.1-8 yo Luk 6.1-5)

23 Wom rhu krna Sabat yihar Jisasr wit swirthu wit suhmn faunanyor hanyomor. Turhu disaiperm rpat yau hanyetmn to nd wit shurohwit dmm tmbhakmomn fi hanyomom.

24 Farisim htihato Jisasr kfo memomr, "Tamohmpno inji nem?Bro Nkifrarhu thfa mntwat inji kfiwut, rhu krna Sabat yiha nhaindpan ndpam tmbhakkfot." (2.24) Wahti Matyu 15.12 yorhwa kfonuhasyuk mrokfot.\fe

25 Jisasr inji wanyhato kfo memorm, "Nikone Defitri wom yimamyatinoht rhu hasohato nkifra rmont rim htayet nuwa rikat rim yakhatoyamo nmbuhathu tndhte, ka hitkomt o nhai?

26 Abaiatar Bro Nkifrarhu temperthu tohak yimar tohmo yiha,Defitr yatinoht rhu hasohato Bro Nkifrarhu temperr fkenihatonuwa rikat bi Bro Nkifrarhu yufatpno rim htayukt rimakmortn, briahakoturhu yaunho habriyuk yimampno rim htahato famomt. Nuwa rikatbi Nkifrarhu yufatpno rim htayukt nhai be wom yima furam ye wonakrmomt.Tu prisr pam fiyakmomt.

27 Bro Nkifrar Sabat yihar htamohat yimaroh rhu krnayuk yiharhtamorr. Nhai be marimor, boririfuhett rhuhatu nd boririfhutnyimam yak hta bohtahato muh wohne tuhnirahm.

28 Wawanyko, na Bro Najomann nd rhu krna yihar kakitohwanr.Nd yihar kanga finji anaya, nhai tfit wom yima furar kfo htakfot."Ndnatn nd Jisasrom namo neft nhai fasoh neft narmom.

3

Rhu krna yiharn Jisasr yak marnyamo tir minysafet yimar

(Matyu 12.9-14 yo Luk 6.6-11)

1 Wom yihar Jisasr Judaroh rhu rifinyuk rmont fkenihato rimhtimorr wom tir gram tip minysafet yimar.

2 Wom Farisim memom, "Jisasr nayuk tamoh nefm na thombat afohti hikrahnomr. Hti hikhato kfo hndhnarahnomr." Ndnetmn rhuhatomemom, "Afo htirahnom dbohnet yimam rhu krna Sabat yiha yak marnyarahrmenhai."

3 Nd tir gram tip minysafetr Jisasr kfo memom, "Buha yimarifiny buharn wasinya watohetohn."

4 Be nd yimar sinyah tohmo, Jisasr kfo ttiwon memom, "Nikofinji dukiwako? Rhu krna Sabat yiha yimaroh yak marnyakfote, BroNkifrarhu boririfhut finji kfiwat? Rhu krna Sabat yihare hifanefm nakfot o fasoh nefm nakfot? Yimam yak marnyakfot o yimamwaskfot?" Inji kfomotr nhai wom mrokfot kformom.

5 Nd yima rifinyr yukatohhato nyingatikt nndo yopaye nrhamomr.Duka memom, "Nda yimam nhai wom duka yuhuwaf yima yuhum rhukahmnda yimar htitahat." Be inji htitihato wom yuhuwaf yima yuhurniahato nd yimar kfo memorr, "Tir gram tipt wathu susnant."Be nd yimar tir gram tipt thu susnamort. Thu susnahato marnyanimotr.

6 Be nd kunys rhuyuk Farisim inji wahti tany mohat nhai womwarhurmom. Be fnahni twanhomom. Fnahnimomn Herotr hikwa yimampnoyihato wajis harhumom. Memom, "Jisasr wasrahnom."

Jisasr fak nuhasmorm turhu bbukeft, to nd turhu kmi mna thofm nhai yima yuhum sinyarmomm (Sapta 3.7--6.6)

Tek bari thmbt rifinyomo yonmari rifuhetr

7 Jisasri turhu disaiperm ndhart htanyomomtn tfit yimom Galilitek bariko. Yonmari yima rifhur Jisasr htiafo hanyhato mfau hikaknimomr.

8 Kmi kmirhof yimam fau hik hanyomomr. Galili thofm, Judia thofm,Jerusalem thofm Idumea thofm, Jodenthu mano mkuko tohyukm, yoTair thofm, Saidon thofm. Nd nd kmim nia bugamom Jisasr namo nefmwanyhato. Duka memom, "Nom tu nomn yihato hti hikrahnom."

9 Jisasr nd bro yima rifhur htihato turhu disaiperm kfo memomr,"Mmbrt bi brbo ania

hnetwat. Nda yonmari yima rifhur yakaknerhotmafinji yirhoya?"

10 Bok yimam yak marnyamotrm btn wom womt nd dbohnetm furyaknifuryakni memom, "Brbo yihato Jisasr myak tiwonruhatnom dbohnefmarnyanirahm."

11 Nd kmi yarhetm o tek yarh fknayet yimam Jisasr htimoahatbe taunihany taunihany fnahnimoum. Mrokforpat tu tany memoum, "Ni tu Bro Nkifrarhu Yone."

12 Tu Jisasr kfo memourm, "Mirahko nanhu yufat yima rifinybuharn ayutanomt."

Jisasr yakmo barkof 12-pela aposerem

(Matyu 10.1-4 yo Luk 6.12-16)

13 Jisasr yura kminysofko muhmorn naku yakmorm nd tur yak yibonmoyimam. Nakumotrm yimom.

14 Yimotm 12-pelakfot fakmor rorhu sioskfothu kasinya htfasyukaposerem. Duka memor, "Nann tohnhorahma. Tkrurafrhotanm yiruhamnBro Nkifrarhu mrokfot romn ptha nuhas habrirahmm kmi kmim."

15 Yo memor, "Kmi yarh tek yarhroh yak thuyuk yafothat heruhanm."

16 Nd ror yakmo 12-pela yimam: Saimonr (tfit rorn wom yufathmbremorr Pitar),

17 yo Sebedirhu yon Jemsr yo nmem Jonr. Wom yufat tfit tu Jisasrnfutamorff Boanesis. Yufathu yimbu yuhath, "Tohrhu Yonf."

18 Yo Andrur, Filifir, Bartolomyur, ee Matyuri Tomasr. Yo wommAlfiusrhu yon Jemsri Tadiusr yo Selot patikfot tohmoa yima Saimonr,

19 yo wurohr Judas Iskariotr. Tor nd Judas Iskariotr Jisasrhndhnamorr.

Kfo memom, "Jisasr fasoh tndhrhu bbukeftpno hingrnewur."

(Matyu 12.22-32 yo Luk 11.14-23; 12.10)

20 Jisasr kunys fkenimor tfit bok met yindarim kunys yakaknimotmtnhai nuwa yarmom rorhu disaipermpono.

21 Be turhu mmemti nmemrom inji wanyhato memom. "Bi bok yimamyak hamumaknitatmr bi ka mfhat mmrifwotr." Ndnatn memom, "Arimhtiyaknomr."

22 Nd Bro Nkifra boririfhuthu tisam Jerusalemko wutoh tanyhatoniamom. Niahato Jisasr kfo wok memomr, "Jisasr tndh Belseburtohworr. Jisasr nd neft nihat yarhroh bro tohak Belseburrhu bbukeftpnokak thuworm kmi yarhm."

23 Jisasr inji wanyhato nakuyakmorm. Nakuyakhato kfo nhombramemorm, "Tndh yarh Satanr sinyahato wom yarhm yak thuneft, benhai wom yarhm tohruhatm.

24 Rpa kantrikfot tohyuk yimam buha nayak mkuhato rim toh mtohatonnakni-neft, be nd kantrikfot yohniraht. Nhai wom yimam tohruhatmt.

25 Yo rpa kunys tohyuk yimam nhaf inji. Tum nayak mkuhato nnayurneft, be nhai wom yimar tohruhatr. Be tum naye dborha nohato yima duhatkitm rhurahm.

26 Satanr nhaf to inji buga. Satanr sinyahato wom yarhm yakthuneft, be nhai wom yarhm tohruhatm. Bi be.

27 Nhai wom yimar wom nanyjar nngrajohet yimarhu kunys fkenihatoyimar rhuhany rorhu kunys rhuyuk wuskam myaknihekfot. Afo nd kunysikatr tir wuram kisahato ee btn rorhu kunyshu rhuyuk wuskam yaknikfot.

28 Kfo mifwanko. Bro Nkifrar duka mmorahrm yimam nayuk fasohfasoh nefm yo tamoh mrokfo bebm tnge pthayukm.

29 To fitoh yimar na Bro Nkifrarhu Yafothathu bbukeftpno hingrnetakfo famur, 'Fasoh tndhrhu bbukeftpno hingrnewur,' nd yimar nhaitfit kfo gbuhruhatr, be Bro Nkifrar nhai duka mmoruhatrm nd yimarkfoyuk tngt. Nhai. Duka hatohraht." Jisasr inji kfo nuhas bonuhasmorm.

30 Tumnd Jisasr kfo memomr, "Fasoh tndhr korhworr," ndnetrnd mrokfot kfo nuhasmorm.

Jisasrhu mmemmi nmemrom

(Matyu 12.46-50 yo Luk 8.19-21)

31 Nd yihar Jisasrhu mmemti nmem najohfit niamomn, Jisasr roryiro kunys ruhetrn briaahako tohato kfo memom, "Jisasr afo afnahnar."

32 Ror bok met yindarim rhu dbu hmbremomr. Kfo memomr, "Ninhummemti nmem najohfit tom niem. Niemn, kangm ahtinomn."

33 Jisagr wanyhato kfo memorm, "Frohmn nanhu mmemroyem? Frohmnnanhu nmemroyem?"

34 Nd ror rhu dbu habriyuk yimam yukatohhato kfo memor, "Asomar yorhwam tom nanhu mmemromi nanhu nmemrom."

35 Yimam Bro Nkifrarhu dukefr dukahato yak hikwam, tom nanhummemrom, mndaremrom, nmemrom."

4

Yewuri tpim dborhiwa tkitm

(Matyu 13.1-9 yo Luk 8.4-8)

1 Jisagr tfit Galili bari thmbt yihato met yindarim yak nhafohhatomrokfom kfo nuhas bonuhasmorm. Bok yima rifhur rifinymotr be Jisagrhtitihato tek barit hiriyuk mmbtrn miruhato to be met yindarimbari thmbt rhuwato wany yakitohmoumr ror nd mmbtrn rhuwato pthamoahat.

2 Boknambok mrokfom be kfo nhombramoumr. Kfo memorm,

3 "Wawanyko. Wom yimar mswirt hingrnahato wit tpim yaknihatohu brur htfasmorm.

4 Yihota tafont misuhuyukm nungam yihato tout buganimomm.

5 Wom tpim misuh hanyomoum tahi siket tkitmn. Bbpam be htfapamnnd yewuri tpim yudbat dborhahato sinyamom.

6 Tfit marr tahato tahi sikthu kkah nadbofnefrpno nd yewurifanroh nembfam fftahato nohmom.

7 Womm hig suhmpno misuh hanyukm rpat hig tofmpno sinyahatokihawot hmbriyafmotmm nhai yukha hirrmom.

8 Nd tu hifa dborioh bbinysoft misuh hany-yukm romn tu hifasinya marnya-momn yukha hir trukmom, womm 30 dmetm, womm 60 dmetm, womm 100 dmetm."

9 Kfo memorm, "Yimbhingangeteko, ndar na kfiwa mrokfot wanykfot."

Jisagr kfomo kfo nhombra mrokforoh yimbu yuham

(Matyu 13.10-17 yo Luk 8.9-10)

10 Kto Jisagr turpar rhu hasetrn turhu disaipermi wom yimamrorpno tohmoam niahato nd ror pthamoa kfo nhombramoa mrokforohmrokfo yimbu yuham ttiwon hikmomr.

11 Kfo memorm, "Wanukko, yafuna mrokforoh yakyuk dukefr binikomn hemor. Bro Nkifrarhu kingdomkfothu kafrohet mrokfom bekfo nhombra kanjo ptharrah o mrokfom be yura yafunarahm, nikomndukefm bi yakrahkomm. Nd Bro Nkifrarhu yinhit toh duha yima furambe kfo nhombra mrokforpam wanukm.

12 Ndnnetn nyingam yukatoh hakurahm, to nhai wom tamohm htiruhatm. Yo mrokfom, wanyrahm, wanyrahm, wanyrahm, to nhai wom dukefm yakruhatm. Nhai. Tumn htihato mrokfefm wany tungnemn, ee ka ndnatn yima yuhumyak krekutruhamm Bro Nkifrar rroh fasoh nefm yak thuirahm."

Yewuri tpiroh kfo nhombra mrokfothu yimbu yuhat

(Matyu 13.18-23 yo Luk 8.11-15)

13 Jisagr kfo memorm, "Ka nd kfo nhombra mrokfothu yimbu yuhatka nhai yakkahkomt? Kane finji kforhota nd kfo nhombra mrokforohyimbu yuham yakruhakomm?"

14 Nd yewuri tpiroh yimbu yuhat inji korht: nd yewuri tpi trufhanymo yimar, Bro Nkifrarhu mrokfom hta hanyomr.

15 Nd yewuri tpim yihotat misuhhato nungam nia yamom, ndm yimamBro Nkifrarhu mrokfom yakhato tfit Satanr niahato yimaroh yimayuhum rhuyuk hifa dborioh mrokfom nia yak thuwa nmbuhat kfo nhombramoya.

16 Yo nd tahi sikm misuhhato siny duha yewuri tpim, ndm kfonhombramoya yimam afo barkopfam hifa yindhor nmbuhatpno yudbatBro Nkifrarhu mrokfot mhik tefti yaknitmt,

17 tfit tamoh krhopam kekwomm, to be bmbri thu trohwomt BroNkifrarhu mrokfot.

18 Yo nd yewuri tpim hig suhmn misuhwam, ndm kfomot, yimamafo Bro Nkifrarhu mrokfot kekwomt.

19 Mrokfot yekwamn, tfit ndar bbinysofthu dukefm kak wunefiwumtBro Nkifrarhu mrokfeft. Womm tum hatohyuk krho nmbu-hampno dukakrho hasiwum. Womm maruharoh dukefrpampno korh hasiwum. Womm hifarhu nmbuharhu yaknefrpatn duka hasiwum. Nd nd dukefmn thu nhombranitattm, Bro Nkifrarhu mrokfeft myafho thunitmt.
20 Wom yimarpam nd yewuri tpim hifa bbinysoft misuhhato yukhahirmo kanjo rom mrokfeft yak marnyewamm yima yuhum htewamm yukhahirwom, womm 30 dmetm, womm 60 dmetm, womm 100 dmetm."

Yiro yak kafknayet lamthu mrokfot
(Luk 8.16-18)

21 Jisarr tfit wom ttiwon mrokfot htamort. Kfo ttiwon memorm, "Niko lamm hta thombat ka yiro rohmn kafknitkomm? O womnam yirohwe tik rfashitn hta hamongwokomm? Ka nhai. Lamm buha dany yuhamntewukomm.
22 Nd kfo nhombra mrokfothu yimbu yuhat inji kfiwut. Bro Nkifrar,rorhu kfo kafrohet mrokfeft kto be tafontn yak htarahrt. Nd tamohamohm Bro Nkifrar yak wuna bowuna hasiwam, kto be tafontn yakhtaruhatrm yimam htirahmm.
23 Yimbhingangeteko, ndar na kfiwa mrokfot wanykfot.

24 Niko wanyuk mrokfeft wany hik marnyakfot. Womm finji finjikahuknm, tawo inji hirahmn. Womm he hmarsirahnm, tawo Bro Nkifrar kohe hmarsirahnr.
25 Frohr mrokfom wanyhato yima yuhurn hmbri hterm, nd yimar Bro Nkifrar tfit thu hmbrihirahrr. Nd yimar mrokfom wanyhato nhaiyima yuhur htarform, nd tefi dukefenr rorhu yima yuhur rhuuyukrtfit tu Bro Nkifrar yak thurahrr."

Yewuri fanthu siny nmbuhathu kfo nhombra mrokfot

26 Yo tfit wom mrokfot kfo memor, "Bro Nkifrarhu kingdomkfofinji korht: Wom yimar yewuri tpim trufworm.
27 Nd yewuri tpi trufyuk yimar, ror nd yifung marm hwita fijorom nd yewuri tpim be turoh fijo dborhanihato sinyewum. Nhai tawisafkahrrom sinyewa nmbuhath.
28 Be nd tu bbinysoftn thu warhewattm yukha hirwom. Sinyewohatafo dborhanitamn ee tuwa rfetm rhunihato ee tfa totwamn yukhetmkorhm.
29 Yukha hirnihato bi yak yibon yihayer, ee kekworm."

Mastet tpiyenrhu kfo nhombra mrokfot
(Matyu 13:31-32,34 yo Luk 13.18-19)

30 Jisarr tfit wom kfo nhombra mrokfot kfo memor, "Bro Nkifrarhukingdomkfofinji akfo nhombrayant? Tamohmn akfo nhombraya?
31 Bro Nkifrarhu kingdomkfofinji kangme tefi mastet tpiyenrn yimaryaknihato turhu mswirtn nuhterr. Mastet tpiyenr kangme sayor tpirohtefi tpiyener.
32 Nd mastet tpiyenr frdborhahato yonmari bufum korhm. Ktotkit tkitroh nungam ndha niahato wuswom."

33 Jisarr bok mrokfeft Bro Nkifrarhum miyukhamn, mimn, tamohmnkfo nhombramourm. Memour, "Akfo nhombrakahta yimam wany dukatungunarahm."
34 Nhai be tu mrokfo yimbu yuham kfo hik nuhasrmoarm met yindarim. Nhai. Be kfo nhombra mrokfomn rim kfota mkfotamourm. Turhu disaipermnoee tu mrokfo mna yuham kfo nuhasmourm.

Jisarr kfohato wifort minoh hmbremo yuhat
(Matyu 8.23-27 yo Luk 8.22-25)

35 Nd yiharhu tu wuroh krifn Jisarr turhu disaiperm kfo memor, "Barenko, na kanga tek barit ahir tmbhonikahnomn, mkuko ainyom."
36 Be nd mmbrrt, bi nd tur rhumot, mikmbremomn hahir hayukmomr. Nd yonmari yima rifhur tuha htanyhato yimom. Wom mmbrrm rom rpathir hayukmom.
37 Hir hanymomn buha dany yuhatn bro wifort sinyamot. Nd wifortsinyahato bi fak mndhu hanymotm. Bi bus tas finjo hanymott mmbrrt.
38 Jisarr mmbrrthu yifhikorn yak tuhtanimorn hwemor. Nd wifortpnoyihom yak thohato kfo memorm, "O Tisaye, wasinya. Nom bi wifortkak mndhutwotnom. Nine ka nhai yanhokahn?"

39 Jisasr wasinyahato nd wifort be tnge kfo memort, "Be tmifn,wateh tmbho." Be inji kfomotr nd wifort teh tmbhohato tek baritnhai wom natonrmot.

40 Jisasr nd turhu disaiperm kfo memorm, "Tamohmpno yakrmitako?Nhai duka mekahko, 'Rorpono kitwonom. Aduka yanhowahnom?' "

41 Rom inji wany yanhohato kfo memom, "Ndarr tamohtet yimarnwiforti burifhut wany yakiohato minoh hmbrif?"

5

Jisasr yak marnyamo kmi yarh fknayet yimar

(Matyu 8.28-34 yo Luk 8.26-39)

1 Hir hanymomn manoh mkuko rim dbkafmom. Gerasaroh tohyuk mkukornrim dbkafmom.

2 Rim dbkafnihato Jisasr yuhre witani hanymor asha wom kmiyarh fknayet yimar yima yopko toh tany niamorn Jisasr mhtimor.

3 Nd kmi yarh fknayet yimar be inji yima gum htamoa tahi bakunymkumn hweta htfasmour. Yimam nhombratitamoum yakitohtaneft o senekibokisaneft.

4 Bok yiham hankafe, yo sene, tir wuram kisi, tu be nhai mif.Kimoumr, tfit tur wabbuka sinyahato frdbombhonimourm. Nhai rorhuyimaroh yakkfot.

5 Yifung marm to be yima gum htamoa tahi bakuny mkumn yo yurakmi yihofmn toh hasomour. Btn tur mumakhato tau hifa bohifamouryo tahim yakhato nde tur puk finy bofinymour.

6 Yau hnehato bi wuri tohhato Jisasr htimorr. Htihato be toniyaknitwanhomorn Jisasrhu wurampno msuhmor.

7 Msuhhato mtau ssiyakni memor, "Jisase, tu yura myorhekwaBro Nkifrarhu yone, ni finji newuna? Bro Nkifrarhu yufatpno mirahnkrho nmbuhat ahianr."

8 Jisasr bi kfo twanhomor nd yimar thu hammomoa kmi yarhrhuhtanyeft nd yimar. Ndnetrn nd mrokfot kfomort.

9 Jisasr kfo memorr, "Ninhu yufat wayutant." Nd yarhr kfomemor, "Nom rifuhetnom tohwonomr ndar yimar. Ndnatn nanhu yufat,Rifuhetr."

10 Nd yarh fknayet yimar mkfo ttiwon rafak hany memourr, "Mirahnayak tuhafahtanm nndo wom wuri tkittn ain."

11 Wom kmi yorgenrn foh rifhum ke wussohmoum.

12 Nd kmi yarhm Jisasr naku memomr, "Wakfo tkrurafkahtnomnd fohmn tfit fknirahnom."

13 Be Jisasr kfomotr nd yimar hatohmo kmi yarhm thu troh tanyomrntfit fohmn fknemimom. Be fohmn fknemihato thu hafunanimotmm, ndfohm kmi kihahir yuhat mitarhotnihato tek baritn mitayif wurasohbugamom. Nd mitayifmo fohm 2,000 fohm mitayifmom.

14 Nd fohm hatohmo yimam inji htihato be tonayefrpar yakhatotaunthu yimam kfo nuhas bonuhashato kmi kmi kfo nuhas fnahmommrom htimo nefm. Bok yimam inji wanyhato memom, "Ai ahtinom ndneft."

15 Jisasrpnno nd yimar kmi yarh htanyetr htimomr rmonthat tabhutahatotu hifa yima yuhu dukefrpno rhu hasetrn. Rom be inji mhtihatobe duka yanuhefrpno tohmom.

16 Jisasr nd kmi yarh fknayet yimar yak marnyamohat tuha tohyukyimam hti hikmomr. Romn nd niayuk yimam kfo nuhas bonuhas hikmommkmi yarhm nd yimar thu troh tanyhato tfit fohm fknihato tek mitayifwurasohmohat.

17 Kmi thofm nd neft htihato Jisasr kfo memomr, "Ni be tmifndar kmit wahtanykahnt, wain."

18 Jisasr tfit mmbtrn mikmbrehato memor, aiya. Nd Jisasr kmiyarh yak thumo yimar tfit Jisasrpnno yihato kfo memorr, "Na kangaahik hneyann."

19 Jisasr wanyhato kfo rafo tany memorr, "Tuha kmitn warhuhasokahnn tunhu yimatm wakfo nuhastwanm ni Bror yuhuwafhato yakmarnya bomarnyamo yuhat."

20 Be nd yimar inji wany yakiohato nd distrikthu 10-pela kmimiyi habrimorn kfo nuhas

bonuhasmorm Jisasr yak marnyamo nmbuhat. Bok met yindarim ror Jisasr yak marnyamo yuhat wanyhato be tubok dukefm fakmom.

Jisasr Jairusrhu yonti yo dbottet mett yak marnyamo yuhat
(Matyu 9.18-26 yo Luk 8.40-56)

21 Jisasr tfit mmbtrn mikmbrenihato barit hir hayuknihato tfitmano mkuko yimor. Rim dbkaf hanyomr yonmari yima rifhur nia rifinyhmbriyaknamomr. Be Jisasr tuha bari thmbtn tohmor.

22 Judaroh rhu rifinyuk rmonthu wom tohukatoh yimar, rorhuyufat Jairusr, niamor. Niamorn Jisasr mhtihato rorhu wurampnomtabokmemor.

23 Mtabokmehato kfo memor, "Nanhu yont noh wururifhut kekwott. Wania tir wahtakahtnt marnyaniraht."

24 Be Jisasr wanyhato hik hanyomr. Rof yimohat bok met yindaririfhur hik hanyomrn be nahuta yaborr hanyomom.

25 Nd yima rifiny buharn wom dbottet mett rpat fau hanyomom. Nd dbotteft 12-pela gunyjimm hatohmott.

26 Yonmari marut be nd rothu dbottefthu htuyuk hunkotharohwiknaneftpno tubatu witamott. Memout, "Ka hunkothamn htihatond dbotteft yak raforahma," to nhai, nd dbotteft nhai teh tmbhakrmoat.

27 Nd mett Jisasr hingrnamao bbukeft bi wanyettn to be Jisasrhumongko yauyaknimotn Jisasrhu sakethat mtayoutimott.

28 Rothu dukeft duka memot, "Rorhu hmbreshat be mtayoutiruhabe nd dbotteft teh tmbhakraht." Ndhtet dukeftpno mtayoutimotr.

29 Be nd dukeftpno mtayoutimohat be yudbat nd dbotteft tehtmbhakmott. Tut yironamot nd dbotteft teh tmbhakmohat.

30 Nd mett inji namohat tu Jisasr tfit yironamor rorhu yimayak marnyayuk yafothar nd mett yak marnyamohat. Yironafhato tfitkekutnihato nd yima rifhur ttiwon memorm, "Frohr nanhu hmbreshattayoutirt?"

31 Turhu disaiperm kfo memomr, "Wahti bok met yindarim tiptip newamn mtayoutini hanitmn. Tfit tamohmpno kfo yamuka frohrmtayoutira?"

32 Jisasr nd met yindarim hti nhombra memor, "Afo htuyankofrohrn tayoutira."

33 Be nd dbottet mett bi Jisasr inji kukatoh habriwore, rottfit duka fanhomot. Duka memot, "To finji wom finji kafroruhoya? Bi htitawora." Be yudbat Jisasrpnno rim tabokmehato kfo nuhasbugamotr rothu yak marnyamo yuhat.

34 Ptha nuhasmottr Jisasr kfo memort, "O ar yone, nd ninhudbotteft, nd hatoh hnamot, duka famu, 'Ror rimaktirhota, be nddbotteft teh tmbhakraht.' Ndnettn ninhu dukef yuhat nd dbottefteh tmbhektn. Be hifa yindhorr yima yuhurpno waikahnn, watohtwa. Ninhu krho nmbuhat bi fak tuhant."

35 Jisasr ptha hasetrn Jairusrhu kunyshom toni hnehato Jairusrhoyom kfo kangmr, "Mirahn Bror ahany furayanr kunykort. Ninhu yont bi mfaknit."

36 Jisasr rom pthayuk mrokfom wany marsisahato Jairusr kfomemorr, "Ni mirahn awany yanhoya. Ninhu bro dukefr be duka mekfot, 'Nanhu yont tfit myenyjworaht.' "

37 Be nd met yindari rifhur ndhar kfo rafo tanyomr rorhu hikneft. Pitari Jemsre Jonr, Jemsrhu habhir, romrpam husfirparpat kfaknimor.

38 Nd Jairusrhu kunys mwanaknimomt yimam nur hasomohat.

39 Jisasr kunys fknenihato rim kfo memorm, "Tamohmpno nurwako? Nd yont nhai nohrfot, be hwitwot!"

40 Jisasr inji kfomotr haningemomr. Nd nur kunys rhuyuk yimamyak tuhafhato fnah buganimotm, nd yonthu yifammafi turhu husfirpadisaiperm yaknitarm yimom nd yont rhumo rumtn.

41 Rim fnahnihato nd yonthu tirenr wayekwart kfo kangrt, "Talitakumi." (Nd mrokfothu yimbu yuhat, "Metene, na kfiwann wasinya.")

42-43 Be nd metent inji kfomotrt yudbat wasinyamotn ufaufaumot. Yonthu yifammafi inji

htihato be tuha yafotha duhatf tohmof. Jisarkfo memorf, "You! Mirahfn akfo nuhas mif mifnomm nda nifnhu yontmyenyjwi yuhat." Nd yonenthu gunyjimm 12-pelakfot. Inji kfonihatokfo memorm, "Nuwa wayak wahefnt."

6

Nasaret thofm Jisarr mong trohmo yuhat

(Matyu 13.53-58 yo Luk 4.16-30)

1 Jisarr nd ror tohmo tkitt htanyhato tfit yimor turhu kmitn. Turhu disaiperm rpat yimom.
2 Turhu kmitn yihato rhu krna Sabat yiharn yimor Judaroh rhurifinyuk rmontn. Yihato Bro Nkifrarhu mrokfefm kfo nuhas bonuhasmorm. Bok met yindarim rorhu mrokfefm wanyhato tuha mrokfo duhatn rhumom. Duka memom, "Nd yimare fitha nd bbukeft yakhato ndhtet nefm niwarm? Yo ndhtet dukefme fitha yakmorm? Nd ror hingernewa mirakerkfometamohtet tongr thu kihwatrr mhingrniwarm?"

3 Nd yimar to wom kamdarhu yoner. Nd yimar to Mariathu yoner. Jemsr, Josefr, Judasr, Saimonr, tom rorhu nmemrom. Rorhu mndaremromasom asha korhm." Ndhtet dukefmpno nhai marimom, "Jisarr rihtirahnomr." Nhai. Mong troh bugamomr.

4 Jisarr inji wanyhato kfo memorm, "Bro Nkifrarhu profetrhuyufat bi kmi kmim rhu htfaswot. Turhu kmiti turhu yorgre turhukuny shofm, rompno nhai yufapa duhater."

5 Be nd dukeftpno nhai turhu kmit tamohtet mirakerkfom hinger narmotrhtirmomm. Be inji rpa rpa dbohnet yimarpam tirt htahato fak marnyanimorm.

6 Duka memor, "Tamohmpno nd yimam nhai wany yakiohahmm nanhumrokfom?" Inji dukahato yimorn Bro Nkifrarhu mrokfom ptha nuhashabrimor.

Jisarr hatohmo bbukeft yak nuhasmotrt kmi thofm htimomt. To nd turhu disaiperm nhai htihato duka tungunefr yakrmom.

(Sapta 6.7--8.21)

Jisarr 12-pela aposerroh hinger na yuham kfo hta bohta nuhasmo yuhat

(Matyu 10.5-15 yo Luk 9.1-6)

7 Jisarr turhu disaiperm yak nhafohmormn tfit hus hus fak nhtamorm. Hus hus yak nhtamormn tek yarh kmi yarh yak thuyuk yafothar hiyafhanymorm. Nd yafothar henyihato kfo tkruraf memorm,

8 "Niko yinyeft kio musrpam yakitohakkfot. Mirahko nuwa nakupam, hmbre wus yohm, maruham, nd ndm ayakitohaknom. Be inji sfno yikfot.

9 Su wuraroh hmbrenineft rot nhai mrokfom. Hus yagr thafuhmbrenineftne nhai.

10 Yihato wom kmit fak miyekmko, kunys fahumko, be nd kunyrpattoh tanyhato tfit sinyani yikfot.

11 O wom kmit o taunt yihato nhai kunym yakmiyakhato niko hanyukmrokfom nhai yindhorkahm wanyneft, nd kmit htanyhato fus wuramtuha nd kmitn frdbofta tanyhato htanykfo. Inji naruhatko, ndhttiruhamn, mirahm, 'O nom yakmiyak duha yitnomm inji nem.' "

12 Be nd Jisarrhu disaiperm yimomn Bro Nkifrarhu mrokfot kfonuhashato kfo memomm, "Nikmoh fasoh nefm mong trohkfot."

13 Nd kmiroh bok kmi yarh fknayet yimam fak marnya bomarnyamomm. Yo nd wom dbohnet yimam, be nd kahpaye htamoatrm marnyanimoum.

Jon Baftaisrhu noh yuhat

(Matyu 14.1-12 yo Luk 9.7-9)

14 Nd Jisarr namoa nefm nhai wom rpa kmirpat wanyrmomt. Bikmim rhu fnahmott king Herotr wanymort. Womm Jisarr namoa nefmwanyhato duka memoum, "Ka Jon Baftaisr minohakhato tfit sinyamorndhtet nefm newurm."

15 Womm duka memoum, "Ka Irajayer."

Yo womm duka memoum, "Ka bingot tohmo wom profeter." Be turohyima yuhumn inji inji fak nhtamoum.

16 King Herotr Jisarr namoa nefm wanyhato kfo memor, "Nd yimare, Jon Baftaisr. Nd

yimar to bi na mfhat tmbhomohat, to bi tor,bi tfit sinyamor."

17-18 To bingot Herotr wom nmem Filifru tuhan Herodias yakhutfakmohat, Jonrn kfo memorr, "Ndhtet neft nhai tu dborioh neftnarmo. Nkifra thfa mntwat kfo kangt, 'Mirahn womrhu mett ayakhutfayanr.' " Inji kfomotrr, wom yimam kfo tkrurafmotrm Jon Baftaisrfakmomr. Yakhato kalabus htamomr.

19 Herodias Jonrhu mrokfot wanyhato wanyhato namburmot. Namburhatomemout, "Jonr awasanr." To nhai,

20 Herotr Jonrhu wasneft mfanuhakmour. Duka memour, "Jonrtu dborioh yimayer, Bro Nkifrarko kukatohworr." Ndnetrn Jonrhutuh nmbuham Herotrhu mofsinhitn tohmour. Jonrhu pthayuk tamohtamoh mrokfefm Herotr nhai hamuh tfafrmoarm. Nhai. Be rorhu yimayuhur mrokfefm wanyhato krhomourr. To nd yima yuhur krhomoahatnhai marimoar, "Jonrhu mrokfefm nhai tfit wanyrhotanm." Nhai.Jonr pthayuk tamoh tamoh mrokfefm wany yakitohmourm.

21 Bok yihotam Herodias nhombrati hnamotn ee wanymot Herotrhubetdekfothu bro yemro burwathu hta yuhat. Rot nd mrokfot wanyhatokfo memot, "Hifa, ka na nd yiharn fura mrom yakruha." Betdeyiharn bro yemro burwat htamortn bok yimam nakumorm. Nd turpnogafman hingneft hingrnanhoyukm, yo nd turhu amikofthu bro yimam,yo Galilikorhof bro yimam naku bugamorm.

22 Nia rifinymotm Herodiashu yon mett fnahnihato nd bro yufetyimam rhumo tkittn yi grhamot. Nd rhuyuk bro yimam htihato masatyindhormom. King Herotr htihato kfo memort, "Nom hifa hti yindhorwonomn.Kangn tamoh ayaka, wakfokahtn yakhiruhann.

23 Na kfo mif mifwann, tamohm ttiwonrahna be he mifruhann.Kangn, na tohukatohwa yima rifhur niyak nhtahato kangn, wom rifuhetratohukatoha, na nhai mrokfom. Na to finji kforuhoya?"

24 Be nd met tmaht yitatn mmemt rim ttiwonwott. Kangtt, "NaHerotr inji inji ttiwonra. Ndnatn kanga attiwonanne ni finji dukewa?Tamohmn akfoya?"

Mmemt kfo kangtt, "Jon Baftaisrhu mfhatu yakneft wakfotwa."

25 Be inji wanyhato yimotn kingrpno rim kfo memot, "Na kangaasomif mif Jon Baftaisrhu mfhat watmbhakkahnr wom plettn wakmbrehiyafona."

26 Be wom kingr wanyhato be tuha mrokfo duhatr rhumor. Bi bromrokfot kfo memort, "Tamoh tamohm ttiwonwona na nhai kfo wokrhottannhanyeft. Be he mif mifruhann." Bi inji kfetrn to be rot Jonrhumfathu tmbhakhato hiyafneft kfomohat nhai tfit wom kfo wokrmort.Ror nd yontpno naphamohat nd rhuyuk bro yimam bi wanymomr rornd pthamohat. To be ndnatn nhai tfit ror wom kfo wokkfot.

27 Be yudbat kingr wom soldiar kfo tkrurafmotrr yimor Jonrhumfathu tmbhakt. kalabusm tohmoa kunys yimorn Jonrhu mfhat yihomtmbhakmorr.

28 Mfhat tmbhohato plettn kmbriyaknehato nd met tmahtn mhemor.Nd met tmaht nd yima mfhat yaknihato mmemtn rim hemot.

29 Jonrhu uhik ahik htfasmoa yimam rorhu mfhatu pukni mrokfektwanyhato kalabus kunysn yimomn rorhu tfmbt rimakmomtn hany fopmomt.

Jisasr 5,000 yimam yeshri hemo yuhat

(Matyu 14.13-21 yo Luk 9.10-17 yo Jon 6.1-14)

30 Nd rorhu sioskfothu kasinya htfasyuk aposerm tfit Jisasrponiahato mkfo nuhas bonuhasmomr rom namo nefm yo rom ptha htfasmomrokfefm.

31 Bok yimam yi rifiny hatohmoatmm nhai nuwa ya inji narmom.Be ndnatn Jisasr kfo memorm, "Na kamuka wom turpat tkittn aikahnomnrhu wita inji narahko."

32 Be mmbrt yaknimomn turpatm wom turpat tkittn yimom.

33 Bok yimam tohhato hti hikaf hanymomm rom hir hanymohat.Hti hikaf hany memom, "Tom bi ndko kitwom mhtirahnomm." Be tonayef-rparyakhato be nd ror yiyuk tkittn mtosh hasomom.

34 Jisasrom mtadbkafmomn nd yonmari yima rifhur mhtihato yuhuwafmorm.Mhti yuhuwafhato duka memor, "Ar yimam sifsifm yima tohukatohduha kanjo be inji hutraf tto habrisewum." Be nd yima rifhuryak nhafotamorm mrokfom hemorm.

35 Jisasrhu disaiperm marr htiyaf hanyhato Jisasr mkfo memomr,"Marr bi yohnitr, ndart yima toh duha wom tkit furayet.

36 Ndar rifinywa yimam wakfo tkrurafkahtnm anatubatunikahmntumn yeshrim awikna htfaskahmn aye bmtam."

37 Jisahr tfit kfo memorm, "To nikomn yeshri wahekomm."
Tfit rom kfo memorm, "Kangne 200 kinakfot yaknihato bretpamawikna hanyomm?"

38 Jisahr tfit ttiwon memorm, "Niko finji bret nuwam harhuwako?Afo wahti nhtakomm."
Rom yihato hti nhtamommn kfo memorm, "Nom tirfa bret nuwamihus yiraf, injirpa harhuwonom."

39 Kfo memorm, "Nd yima bugam briaha hifa kivr suhtn hofhethofhet arhu nhombratwam."

40 Be rom hofhet hofhet rhu hanyomom, wom hofhetr 100 yimamyom tfit wom hofhetr 50 yimam. Be inji inji rhu hanyomom.

41 Be nd tirfa bret nuwami hus yiraf yaknimormn yura mountwuyukatohhato kfo bruttnamor. Kfo bruttnanihato turhu disaiperm yak tifakhany hiyaf hanyhato kfo memorm, "Wahe nhombra htfashanykomm." Yo nd hus yiraf be nd rpahtet neft namorf.

42 Nd he hanyom yeshrt nd yonmari yima rifhur yihany yi hanyomomn,yatim furkihmomm.
43 Yatim furkihmotmm, be nd yesmbhehm yak nhafohhato tfit 12-pelakpmn hmbre nhafohmomm.

44 Nd bret nuwa yamo yimam, 5,000 yimam famomm. Nd thomnafatyindarirparohet.

Jisahr yura tek yuhath yau hanyomom yuhathu mrokfot

(Matyu 14.22-23 yo Jon 6.15-21)

45 Be Jisahr yudbat turhu disaiperm kfo tkrur memorm, "Nikobi mmbrt wayaknikahkomn Betsaidako wahir hayukni hanyko. Na afomet yindarim yak kafho tanyruha."

46 Be inji kfafhato turpar kminysoft muhmor kfo bruttnaneft.

47 Kriftamott nd mmbrt hir hanyukm tek bari dany yuhathu hirmom.Jisahr turpetr yura kminysofko tohmor.

48 Hir hanyetm htimorm wifortn frmmomoattm yangoneft fanygotitamoum. Nhombirati nhombirati tu wuroh ksfutn Jisahr yura tekupamn mitohhato fau hanyomom. Duka memom "Yau hagrotniruhanm."

49 Nd mmbrt rhuyuk yimam Jisahr yura tek bupamn yau hnamotrhtiyakhato duka memom, "Ndarr ka tek yarhr niewur." Be yakrmiyakhatotuha fengr fengrt tohmot.

50 Nd yimam tuha nhai wom yafothetm rhurmom.

Jisahr htihato kfo memorm, "Watoh bmtako. Naya. Ayakrmiwahko."

51 Be inji kfonihato rroh mmbrt mikmbrehato buwiform teh tmbhakmom.Nd mmbrt rhuyukm ndt htihato be tuha mifoh rihanimom. Nhai womrptharmor.

52 Ndt to nhai be sfno. Nd yimam Jisahr bret nuwam yak yurhmoyuhath rom nhai hti marimom, "Jisahr tu Bro Nkifrarhu bbukeftyorhwattr kak yuhrworm yeshrim." Nhai ndhtet dukefr rhurmom.Ndnetn nd yimam Jisahr yura tek bupamn yau hnetr htihakmohatyafotha duhatm rhurmom.

Jisahr Genesarethu bok dbohnet yimam yak marnyamo yuhath

(Matyu 14.34-36)

53 Tek barit hir hayuknimomn Genesaret mkuko rim dbkafhatommbrt ttafomomt.

54 Mmbrt ttaftany rim suhnimohat nd Genesarethu yimam Jisahrnhai hti mmormomr. Htihato memom, to tawom Jisaser.

55 Be nd yimam inji hti nhta tanyomomr nd brbo rhuyuk kmim pthanuhas hanyomomm Jisahrhu nia nmbuhat. Be nd brborhof kmim wanyhatond dbohnet dbohnet yimam krocketm hany hanyomomm.

56 Nd Jisahr yimom kmim o fitoh fitoh tkitm, dbohnet yimambe hnamoamm bro rifiny swirm htatahato Jisahr kfo ttiwonmoumr roruhmbresha psifrapatn dbohnet yimam tayouthato marnyanineft. Tond dbohnet yimam inji namoahat yudbat marnyanimoum.

7

Nkifra boririfhu yirmoht

(Matyu 15.1-9)

1 Wom Farisimi wom boririfhuthu tisam Jerusalem bi htanyhatoyi rifinyomom Jisahrpno.

2 Yihato htimom Jisasrhu disaiperm nuwa yamohat nhai tir kifsanihatonuwa yarmom.\f (7.2) Nkifra mrokfot inji kfomout, "Yimar nuwayaneft tirm afo kifsanihato ee btn nuwa yakfot." Ndnettn romBro Nkifrar yirmoht yakitohetmn inji htimohat namburmom.\fe

3 Farisimi Juda bugam nkifra mrokfot yakitohetmn, nhai tirkifsarfom, to be nhai nuwa yakfot.

4 O maket yihato nhai mhta yukrfom, to be nhai nuwa yakfot.Boknabok nefm hikmoum. Yeshri hta mskamoahat roh, plet, tamohtamohm afo kifsanihato ee hta mskamoum.

5 Ndnettn nd Farisimi boririfhuthu tisam Jisasr kfo memomr,"Tamohmpno ninhu disaiperm nhai hik duha yitamt nkifra yirmoht?Tfit nkifra yirmoht riyak htefiwamt be ke fura bofurewum. Nhaitirm kifsafhato nuwa yekahm."

6 Jisasr wanyhato kfo memorm, "Niko mikfo nhehta mkfo nhehtayetyimayeko! Bingot profet Aisaiaar nikomn kfomor. Mrokfom wandfamemor,
'Nd yimam be yura tngpaye kfo yuta yindhawoma.
Yiro yima yuhum nhai nanhu dukefmpno rhukahm.
Nndo wom dukefmpno korhm.

7 Be nd yima mifm bingot htamo boririfhut kfo nuhas htfaswamn
kfo kangm, "Bro Nkifrarhu boririfuhet."
Ndnettn rom lotuta lotuyeft yafotha duhatet.' "
Ais 29.13

8 Jisasr nd profet Aisaiaar kfongotmo mrokfot kfo nuhasnihatokfo memorm, "Niko ka bi tu Bro Nkifra mifru yirmoht bi mongtrohwakomtn, bi nd yima mifroh boririfhu mrokfo furamn hikwoko.

9 Tukmoh nkifram kfo htanihemo mrokfom yak hikwakomn Bro Nkifrarhuboririfhut nhai yak hik marnyakahkomt. Faso tfit kfo kekutwokomt.

10 Mosesrn yirmoh mrokfot kfo memor, 'Ni yifammafhu yinhitnrhuhato rofhu mrokfomn hikkfot,' yo 'Yimar turhu yifammaf kfofwewurf, nd yimar was hehur thukfot.'

11 Tfit nikomn kfo yirmoh kangko, 'Wom yimar turhu yifammafnowuskam kfo nuhastahihato tfit yifammaf kfo famurf, "Nifn kfonuhasheyuk wuskam bi Bro Nkifrar htahemoya,"

12 to be nd yimar mirahr tfit yifammaf adukakahann ayak marnyayanf.'Niko inji kfo yirmohwoko.

13 Ndnettn tukmoh nkifram kfo htanihemo yirmoh mrokfom yakhikwakomn Bro Nkifrarhu boririfhut nhai yak hik marnyakahkomt.Faso tfit kfo kekutwokomt. Tfit wom rpahtet fasoh fasoh nefmnkak hikwoko."

Yimaroh yima yuhum faso yak bebwa nefm (Matyu 15.10-20)

14 Tfit Jisasr nd met yindarim nakuyakhato kfo memorm, "Nanhumrokfefm wawany hik marnyatwa-komm.

15-16 Tamoh tamoh mur yemrom o hnaru yemrom tng yuhat yiyafoyukm,nhai ndmn Bro Nkifrar htihato kfo mikahr, 'Ni bi fasoh yimaye.'Nhai. Nd yiro yima yuhurio sinyahato newa fasoh nefm, ndmn BroNkifrar htihato kfo kangr, 'Ni bi fasoh yimaye.' "\f (7.15-16)Wom safemanm duka memom, tot wom mrokfo nmbuhat ndar veskfothut.Nd mrokfo nmbuhat inji kfiwut, "Yimbhingangeteko, ndar na kfiwamrokfot wanykfot." \fe

17 Be Jisas inji ptha tanyhato kunyko rim fnahnimor. Rim fnahnimotrfit turhu disaiperm kfo memomr, "Tfit afo nd ni kfi mrokfothuyimbu yuhat wakfo hikkahtnt awanyanom."

18 Jisasr memorm, "Nikome ka nhai yima yuhu duhateko? Yimayuhetko arhuko, to yakrfokomm na pthayuk mrokfefm. Wawanyko! Ndtng yuhat yiyafoyuk yeshrt o wom tamohm, nhai ndmn Bro Nkifrarhtihato kfo mikahr, 'Ni bi fasoh yimaye.' Nhai.

19 Nd yiyafoyuk yeshrt nhai yima yuhurn yikahm. Nhai. Nd yiyefiwayeshrim nyunguram yuhat yitamn ript yihom yorhwom. Ript yihomrhuhato kto tfit rikunys kitm." Jisasr duka memor, "Tamoh tamohyeshrim ye fura bofurayukem." Ndnatn inji kfomorm.

20 Tfit kfo memorm, "Nd yiro yima yuhurio sinyahato newa nefmn,ndmn Bro Nkifrar htihato kfo kangr, 'Fasoh yimayer.'

21 Nd na kfiwa yima yuhur sinyewa fasoh nefm, ndm inji korhm:nd fasoh fasoh dukefr, yaum kanjo met yindarim niwa nefm, rikohneft,yimar nambur sinyahato womr was furaneft, womrhu mettpno rim fnahneft,

22 yimarhu yima yuhur kangr tamoh tamoh wuskam, maruham nanrpayanuhem,nhai womm henyeft, nd nd fasoh nefm yima yuhur sinyewamn ni womnyak bebneft womr, kfo nhebehneft, tuhagrhadato yimtna duha nafura bofuriwa nefm, womrhu dborioh wuskam o mett o tamoh htihatotfit ni womn duka bebneft womr, 'O tamohmpno ror yekrt nd banuahmett o shrt. Nann yakrfoyant.' Ndhtet dukefm o womm faso fasoharhu htfasneft, o yufa yurak htaneft, o duka marnya duha naknitaneft.

23 Tom nd nd nefmni yiro yima yuhurnio sinyewamn Bro Nkifrarhtihato kfo kangr, 'Fasoh yimayer.' "

Jisars Fonisia efkotthu yont yak marnyamo yuhat

(Matyu 15.21-28)

24 Be Jisars nd kmit htanyhato tfit Tairko yimor. Yimorn womkunys fknienihato ndha rhu kfafrohmr. Duka memor, "Rhu kafrohrhotand kmithu yimam nhai htirhotma." To nhai, bi yimam yak switafetrnto be nhai tfit wom kafrohkfot.

25 Wom mett, rothu yont kmi yarhr fknemort. Jisarsru nia nmbuhatwanyhato be ror rhumo kunysn yimotn Jisarsru wurampno msuhmot.

26 Nd mett, rot rmon mrokfo wany juha kantri Siria efkott.Rothu profins Fonisia. Rot yimotn Jisars mnaku ttiwonmotr rothuyon mett fknemo kmi yarhrhu yak thuneft.

27 Jisars wom kfo nhombra mrofkot kfo memort, "Yonroh hayukyeshrt nhai bi yakhato yaumn afo wahta hekahmn. Nhai. Afo tu yimayonmn barkofpam kahuknom." (7.27) Wahti Matyu 15.12 yorhwakfo nuhasyuk mrokfot.

28 Tfitn nd mettn kfo memotr, "Bro yimaye, ndt rot hifat kfiwun.To nhai, nd yauyenm, tebor yinhit toh hanyukm, rom to nd yonmye bruraf hanitam ke tuthatak hanitm."

29 Jisars rot pthamo mrokfot wanyhato kfo memort, "Ni injikfitn, wanju kunyko. Nd kmi yarhr bi thu troh tanyrt ninhu yont."

30 Be rot kunyko yihato mhtimott yont bi kmi yarhr thu trohtanyhato tiktn hwe hasettn.

Jisars tng yimbhindang kihmniyet yimar yak marnyamo yuhat

31 Jisars tfit Tairt htanyhato yimor Saidonko. Saidonko tohntitfit yimorwe distrik Dekapolisko. Dekapoliskorn hingrna hanyhatoGalili barat mfnahmor.

32 Galilit bi mfnahetrn wom yimar hnamomr. Nd yimarhu yimbhindangmkihmnimomr yo pthaneft nhai ptha marnyarmoar. Nd yimar hnehatoJisars ttiwonmomr nd yimarhu tir htaneft.

33 Be Jisars nd yimar yaknimorr, nd yima rifhur htanyhato turpatfwom tkitt yimof. Turpathato Jisars tirpinyafe nd yimarhu yimbhindangfhtamor. Tfit kuninfar yakhato tortn htamort.

34 Ee, Jisars yura mounko wuyukatohhato yawitakiyafmorn pthamemor, "Efata," (nmoh mrokfotn, "Atuppomn.")

35 Inji kfomotr nd yimarhu yimbhindangm tuppomomr. Tuppohatomrokfom riptha marnyakmorm.

36 Jisars nd yimar yak marnyanihato kfo rafo mrokfot kfo memorm,"Nd nda yimar yak marnya yuhat, mirahko wom yimam akfo nuhasmif mifnomm. Be inji turpatkmoh yima yuhumn arhutwat." To nhai,nd kfo rafo mrokfot nhai yak hikrmomt. Tfit romn mrokfot yaknihatokuny kuny kfo habrimoumt.

37 Be nd kmi kmirhof yimam Jisars namo neft wanyhato duka memom,"Barenko! Ndu yima Jisars be tu nhai hingrna happukkahr. Rornewa nefm be tu yafothetm korhm. Ror kfiwur, yimbhindang kihmniyetyimam mrokfom wanukm. Yo ror kfiwur, tng mmkm pthewum."

8

Jisars 4,000 yimam yeshri hemo yuhat

(Matyu 15.32-39)

1 Wom yiha nhaf yonmari yima rifhur rifinymomr. Nhaf nd rifinymoyima rifhur be inji

yeshri duhatm tohmom. Be Jisasr htihatoturhu disaiperm nakuyakhato kfo memorm,
2 "Nda yima rifhur yuhuwafwanm. Bi husfirpa marm nanpno tohromnbi yeshriyen
duhatem.

3 Yatinoh tohetmn kfo miruhanm, tukmoh kunyko wanjuko, injikfahato yirahm, to be
buha yihotatn yatinoh mmrifakruhamn suhrahm. Womm nhai be brboha toh tanyhato
niarmom. Wuri wuri tkitrohm wommnia hnamom."

4 Tfit turhu disaiperm kfo memomr, "Ndashart nom yima tohduha tkitt tohwonom. To href
fitha bok bretpam yekwanomn ndaryonmari yima rifhur yahukanomm?"

5 Jisasr tfit ttiwon memorm, "Nikome finji finji bretpam harhuwako?" Kfo memomr, "7-pela
kfoyet."

6 Be nd yima rifhur Jisasr kfomotrm tuha bbinysoftn sibosirmonmom. Jisasr nd 7-pela
bretpam yakmormn Bro Nkifrarko kfo bruttnanihatobretpam fak tif botifmorm. Tfit turhu
disaiperm hemotr romn yaknihatond met yindars hi hanymomm.

7 You tfit wom yirayenm yakhato nhaf Bro Nkifrarko kfo bruttnanihatoturhu disaipermn
yak mkuyakhany, yak mkuyakhany, hiyaf hanymoatrm, tfit romn he nhombra hanymoumm
met yindarim.

8 Nd yima rifhur fe furkih bugamom. Nd rom yesmbhoyuk yeshrim Jisasrhu disaiperm tfit
yak nhafohhato hmbremohat 7-pela kpm hmbremom.

9 Nd yeshrim yamo yimaroh thomnafat, 4,000. Ndt yindariparohthomnafayet.

10 Be Jisasr nd yima rifhur kfo tkruraf tanyhato turhu disaipermnommbrtn
mikmbrenihato Dalmanutako yimom.

Jisasrhu mirakerkfot memom ahtinom

(Matyu 16.1-4)

11 Farisim yihato Jisasr pno yuwi mkfo memomr, "Jisase, mirakerkfotwahingrnakahtnt afo
ahtinom. Nom htiruhanomn mirahnom, tu Bro Nkifrarko bukeftpno hingrnewur."

12 Inji kfomotmr Jisasrhu yima yuhur krhohato tuha yawita kiyafhatokfo memor,
"Tamohmpno ariharhof yimam yamukoma bro mirakerkfotwayak nuhasakhtn nom ahtinom?

Na tu be kfo mifwanko. Na nhai tfitariharhof yimam tfit wom neft yak nuhasrotanm. Be tu
nhai mif."

13 Be Jisasr tfit mmbtrtn mikmbrenihato tfit mkuko hir hayuknimor.

Farisiroh yispami Herotrhu yisparoh kfo nhombra mrokfot

(Matyu 16.5-12)

14 Jisasrhu disaiperm yimohat nhai dukarmom bretparoh yaknineft. Rpa bretparpat
faknimom.

15 Yimomn Jisasr kfo memorm, "Niko Farisimi Herotroh yispamhti marnyaf hanykfot."

16 Tfit tum rinakfo nakfo memom, "Ka nom bretpam yakna duhayitnom, ndnetrn nd
mrokfot kfiwurnom."

17 Jisasr bi wanyhato kfo memorm, "Tamohmpno tuko tfit rinakfonakfo yamukako, 'Nom
bretpa duhatenom?' Niko ka nhai yima yuhuduhateko? Nhai yima dukefm rhukahmko?
Yima yuhum ka bi kspitapamntoh tittewumko?

18 Nyingetko arhuko to htirfoko? Yimbhindangetko arhuko towanyrfoko? Ka nhai. Ka bi
nhai wom duka hanykahko

19 na tirta bretpam 5,000 yimam yak dbifhato hany nhombra-mohat? Finji finji kpm nd
yesmbhehm yak hutuhahato hmbremoko?" Kfo memomr, "12-pela kpm."

20 Tfit kfo memorm, "Yo tfit na nd wom yiha 4,000 yimam 7-pelabretpam yak
dbifhemohat, finji finji kpm hmbremoko nd 7-pela bretpamye furkihato yesmbhomom?"
Kfo memomr, "7-pelakfot."

21 Tfit kfo memorm, "Na nd nefm namohat, ka nhai htihato dukahanykahko?"

Jisasr turhu disaiperm skurkfot hemo yuhat

(Sapta 8.22--10.52)

Betsaidathu nyinga kunyjet yimar Jisasr yak marnyamo yuhat

22 Nd Jisasrom hir hanymomn Betsaidat rim fnahmom. Nd kmi thofm Jisasr htiyakhato
wom nyinga kunyjet yimar hnamomr. Hnehato Jisasrmttiwonmomr nd nyinga kunyjet
yimarhu tir htaneft.

23 Be Jisasr wanyhato nd yimarhu tirt yakitohaknihato nd kmitfnahnimofn briahako
fnahnimof. Briyahako rim htahato Jisasr ndyimarhu nyingam kuninfarmorr. Kuninfarnihato

tirm htahato ttiwonmemorr, "Bi kukatoh wuthewun?"

24 Nd yimar nyingam myukatohhato yimam tamohm htimorm wufaufaumom. Kfo memor, "Htitanm yimam mim kanjo kau hanitm."

25 Tfit Jisasr wompam tir htamotrr ee ndnatpno nyinga rurhammfrfnahnamotmr hti wutha bugamorm yimam, mim, tamoh tamohm.

26 Nyingam yak marnyanimorr kfo memorr, "Ni mirahn tfit yirokmiko arim fnahniya. Ninhu kunyo wanju."

Pitar Jisasr kfo nriyafmo yuhat

(Matyu 16.13-20 yo Luk 9.18-21)

27 Jisasri turhu disaipermmpno Galilikort htanymomtn yimom tfitSisaria Filipaikorhof kmimn. Yihotatn turhu disaiperm ttiwon memorm, "Nane, met yindarim finji dukewuma?"

28 Kfo memorm, "Womm kangm Jon Baftaise. Womm kangm Irajaye. Womm kangm wom nkifra thof profete."

29 Inji kfomotm, tfit ttiwon memorm, "To niko tuko finji yute-wukma?" Pitar kfo memor, "Ni kangnomn nmoh hbhayeme, Bro Nkifrar kfotkrurafmorn nmoh minrfa htiyakyuke."

30 Be Jisasr inji wanyhato kfo memorm, "Yo mirahko mif mifwomm akfo nuhasomm. Mirahko akfo amanyomm, ror ndhtet yimayer."

Jisasr turhu nohhato sinya yuhat kfo nuhasomm

(Matyu 16.21-28 yo Luk 9.22-27)

31 Nd yiha Jisasr disaiperm rikfo nuhasak memorm, "Na, BroNajema boknabok krhopam yakruha. Na Judaroh bro yimamn, prisrohbro yimamn, boririfhuthu tisamn, nd nd yimaroh tirmn hirruha. Nohruhoyann tfit husfirpehyuk marrn tfit sinyaruha. Na nhai tfitfinji kfo finji kforhota. Na be yi nohnefrpat."

32 Inji kfo ptha srh nuhasnimormn tfit Pitarn Jisasr yaknihatonndo rim hatohhato kfo rafo mrokfot kfo memorr, "Ndhtet mrokfotkfo ptha duha."

33 Tfit Jisasr kekutnihato turhu disaipermmpno yukatoh hanyhatoPitar kfo memorr, "Satane, wuri wain. Ni nhai Bro Nkifrarhu yimayuhur hikkahn. Nhai. Be nndo yima mifroh dukefm hikwo."

34 Be met yindarimi turhu disaiperm rpat nakuyakmorm. Nakuyakhatoniamotm kfo memorm, "Wom yimar kangr, na ahik hneya, mirahr turamdukak hanya. Nd dukefr mong trohhato rorhu bgre mis titahatona hikkfot.

35 Yimar turhu toh marnya nmbuharpad mdukak hanitr, nd tohnmbuhat ror mdukak hanitat nhai tfit wom htiruhatr. Yimar naninanthu gutniuskfot dukahato nhai turhu toh marnya nmbuharpad dukarfort, kfo tfit htirahr rorhu toh marnya nmbuhat.

36 Wom yimar ndar bbinysftho tamoh tamohrpar yakhato kto tohnikifrayuk toh nmbuhat nhai dukarfort, to nd ariha yekwa marut, wuskat, tamoh tamohkto to finji hifa toh nkifra nmbuhat hiruhamr?

37 Hifa toh nkifra nmbuhat kangr tfit ayakant, to tfit fitohyuhatn yakruhart?

38 Ariharhof yimam Bro Nkifrar mong trohhato fasoh fasoh nefmnewum. Frohr yak rihtefiwura yo nanhu mrokfot yak rihtefiwurt, be nd yimar tawo na Bro Najema yak rihtafruhanr. Nani tu dboriohmounmotmpno nia thombat Bro Yifemrhu nuketpno yawihnehato yakrihtafruhanr."

9

1 "Na kfo mif mifwanko, ndasha tohwa womm tafi afo noh duhatmnBro Nkifrarhu bro nanyjaret kingdomkfo htirahmt."

Jisasrhu thatipt fnhumo yuhat

(Matyu 17.1-13 yo Luk 9.28-36)

2 Kto 6-pela yiham yinyimotm Jisasr Pita Jems Jonrom yaknihatoturpatm muhmom tu mfro wayakmo kminysftho. Turpatm rhu hasohatoasha htiyaf hanymomr fnhuyaknimor. Memom nndo yindeng nyisofrnfhutwor.

3 Yimar hmbremo hmbresham rpat fnhu bugaknihato memom nndobruwohmr katiwur. Nhai ndar bbinysftho wom yimar inji rhu wonakrmor.

4 Ee tfit htimomf Irajia Mosesrof Jisasrmpno mtohhato pthamohat.

5 Pitar inji htihato Jisasr kfo memorr, "Tisaye, nmoh ashatohneft hifa. Ka husfirpa

kunyenm yimanom nhombrahato singorahnom. Ninhu womt, Mosesrhu womt, yo Irajjarhu womt."

6 Pitar nd mrokfot kfo pthamohat be yakrmehato be tu furamortnd mrokfot.

7 Be tfit wom gribfat niamotn yawihnehato kasi hmbremotm. Yirond gribfatn wom tngt niamot. Nd tngt kfo memot, "Ndarr nanhuYoner. Be tu marbitn htewanr. Ror pthayuk mrokfom wany yakiokfot."

8 Yudbat yukatoh habri memom ahtinom nd mrokfo pthayuk yimar, to nhai, nhai wom yimar htirmom. Tu nd Jisasrpar htimom.

9 Be nd kminysofr wuhtanyhato tfit mibrnyimom. Buha yihotatnkfo memorm, "Niko nd yura kminysoft htitawoneft bi mirahko wommakfo nuhasnom. Kto na Bro Najoma bi nohnhato bi tfit sinyeya, ee btn wakfo nuhastwakomm."

10 Be rom nd Jisasr kfo pthamo mrokfot wanyomohat, tfit tumnakfo ptha memoum, "Nd ror kfi yamuhat nohnhato tfit sinyanefttamohat kfir?"

11 Tfit kfo ttiwon memorm, "Tamohmpno nkifra boririfhuthutisam kfo yamukam, 'Afo Irajjar bi nia gungonrahr. Tfit kto BroNkifrar kfo tkrurafrahr nmoh minrfa htikyayuk yima Kraistr.' "

12-13 Jisasr wanyhato kfo memorm, "Ndt tu kfo mif kfoyet. To nkifra kfo kfo memot, afo Irajjar bi nieruharn rorn nd tamohtamohm bi yak hta bohtarahr. Tu mrokfot kfiwut. To tfit kfiwanko, Irajjar to bi niamor. Bi niamotr yimam turoh dukefm hikhato fasofaso fak bebmomr. Wawanyko, Bro Nkifrarhu rfa borngt kfo yamukahat, 'Bro Najomr bro krhopam yakruharn yimam kfo behohrahmr.' Ndt tukfot kfiwut."

Jisasr yak marnyamo kmi yarhr hatohet yonr

(Matyu 17.14-21 yo Luk 9.37-43)

14 Mibrnyimomn tfit wom disaiperm-pmpno minahtimohat mihtiyaknimommwom yimampno rifiny hasomom. Bro Nkifrarhu boririfhuthu tisampnonakfo hamuh nakfo hamuh hasomom.

15 Be nd rifiny hasomo yonmari yima rifhur Jisasr hti fohtasakhatotfit rorpno mkfo yindhoraknihato mrifin-yaknitm.

16 Rorhu disaiperm Jisasr ttiwon memorm, "Nikome tamoh mrokfemnnakfo hamuh hasiko?"

17 Tfit nd yima rifhurhu wom yimar sinyahato kfo memorr, "Broye, nanhu yonr kmi yarhr mrokfo ptha yafothar yakmotrr ndnetn ninpnohnyanr.

18 Nd kmi yarhr tattuh thombat, yima yonr suhwor. Suhhato tirwuram noh minysafaknihato bisom youkukakni brukt yima yonr hatohthombat kangm nndo foher. Ninhu disaipermmpno kfo famuya, 'Wayakthukomr yarhr.' To nhai, fak thu titawomr."

19 Jisasr nd mrokfot wanyhato kfo memorm, "Arom Bro Nkifrarhdukefm rhu duha met yindariyenko, finji tfit nikompno tohrhoya? Finji tfit nikmoh krhopam titahirhoyanko? Wahnakomr nd yonr."

20 Be nd yonr yaknimomr Jisasr pno hanyomomr. Nd yonr tohmo kmiyarhr Jisasr htihato ka nd yonr bbinysoftn wathu tmbhomotrr betuha bruktpno bruktpno tohakinhatu tir wuram tubatu yaknimomr. Tuha memom nndo yejefenrn nmbukaswor.

21 Jisasr nd yonrhu yifemr ttiwon memorr, "Nda yonre fitohyihia fakmotr nd mumeft?" Yifemr kfo memor, "O yuhre habhiyenrnd mumeft rifakakmotr.

22 Rhu hasiwarn nd yarhr thu mumaknitatr kahmn kitr. Womnamtekm mitayifwor. Nd yarhr kangr, inji anakahtanr anohr. Ndnnetnkanga attiwonann, ka yuhuwafhato yak thurfonr nd ror hatohwa yarhr?"

23 Jisasr kfo memorr, "Rot ndt nhai mrokfom. Tu yimann husyima yuhufn rhurahn be nhai yak marnyahirhotanr. Rpa yima yuhurparruhato duka mirahn, 'Href mif mif Jisasr kak marnyahukra.' Injidukarahn marnyahirahn."

24 Nd yonrhu yifemr waruhato kfo nur memor, "Uwa, uwa nand yima yuhur kfo kangr, 'Href mif mif kak marnyahukra.' To tfitwom yima yuhur nhai be inji masat dukakahar. Ndhtet dukeff yorhwotfandnatn kanga ndhtet midukata mdukataneft wayak thunt. Be nd yonrhumarnya dukefrpar wayakhtana."

25 Jisasr met yindari rifhur brbo toniyaknimotm Jisasr nd yimbhindangtng kihmniyet kmi yarhr kfo nambur hik memorr, "Asomif wathutroh tanyrn. Wathu troh tanykahnr mirahn tfit amfkneyanr."

26 Be inji kfo nambur hikafmotrr, be nd kmi yarhr tau fnahhatothu troh tanymorr. Thu troh tanymotrr nd yonernr suhhato yebittaknimomr. Memom ka dangnhatn tmbho thum.

Yimam htihato memom ka bi fnohr.
27 Tfit tu Jisasrn nd yonrhu tirt wayakhato wateh kasinyakmorr.

28 Kto Jisasr kunyko yihato turpatm turhu disaipermmpno rhuhatokfo ttiwon memomr,
"Tamohmpno nd yarhr to nom yak thu duha yirfonomr?"
29 Jisasr kfo memorm, "Nhai wom tamoh nefm nahato kmi yarhmyak thukfot. Bro
Nkifrarhu kfo bruttna-nefrpat. Bro Nkifrapnokfo bruttnarahko kmi yarhm yak thurahko."

Jisasr tfit wompam kfo pthamort turhu nohhato sinyu yuhat
(Matyu 17.22-23 yo Luk 9.43-45)

30 Be nd kmit htanyhato buha Galili yuhat yimom. Jisasr nhaimarimor, wom yimar kfo
nuhasruhanr rorhu yi yuhat.
31 Turhu disaiperm kfo kars bokars, kfo nuhas bonuhas, kfohta bohta inji nayetrn nhai
marimor womm kfo nuhasruha yi yuhat. Turhu disaiperm kfo memorm, "Ndar bbinysofthu
yimam Bro Najomryak hndhnrarahmr yimampno. Hndhna-ruhatmr yimam wasrahmr.
Nohruharnhusfirpehyuk marrn tfit sinyarahr."
32 Jisasr inji kfomotr, nhai rom nd mrokfothu yimbu yuhat yakrmomt. Rom tfit fanhomom
nd mrokfothu tfit ttiwon hikneft.

Frohr broyer?
(Matyu 18.1-5 yo Luk 9.46-48)

33 Jisasri turhu disaiperm yimomn Kaperneamt mfnahmom. Ndamfnahhato wom kunys
fknehato Jisasr ttiwon memorm, "Niko yihotohatyau hnehate tamoh mrokfom rinnakfo
nakfo hneko?"
34 Nd yimam yihotoha yuhat niamohat tohakyuk yimarhu nmbuhatna kfo hamuh nna kfo
hamuh hnamom. Womr watohhato memour, "Nannbroruhanko." Tfit womrn, "We, we nann
broruhanko." Tfit womrwatohhato memourr, "We, rorn." Tfit womr watohhato kfo
memour, "We, we ror nhai, ndarn brorahnom." Inji inji nna kfo hnamomn Jisasr
ttiwonmohat to be nhai womr ptharmor.
35 Jisasr warhumorn nd turhu 12-pela disaiperm kfakmorm. Kfakhatokfo memorm, "Wom
yimar kangr, 'Nyingako atohane,' nd yimar womyimaroh mongko tohtahato be rroh
hingrnanho yimapar tohkfot."
36 Wom habhi yonenr yakmorrn rroh buha htatahato tire yakitohhanymorrn kfo memorm,
37 "Fitoh yimar na hikhato na hikwa wom met yindarim yakhatokak marnyewurm, nda
yonenr yakhato yak marnyiwa kanjo, nd yimarnann yakhato kak marnyewur. Na Bro
Nkifrar kfo tkrurafmotra, niamoya. Ndnatn frohr na kak miyekwor, nd yimar Bro Nkifrar kak
miyekwor."

Nompno nahti dbnot duha yimar nmoh yimater
(Luk 9.49-50)

38 Jonr kfo memorr, "Tisaye, wom yimar htimonomr ninhu yufatyuta nawohhato kmi
yarhm yak thumoatrm kfo rafomonomr. Nd yimarnhai nom ni hik habriwa kanjo nd yimar
inji hikhno habrikahrn. Ndnatn nd yimar ninhu yufat yuta nawohhato yarh fknayet
yimamyak marnyamoahat, nom nhai yindhormonom."
39 Jisasr wanyhato kfo memorm, "Mirahko akfo rafonomr. Yimarnanhu yufatpno wom
mirakerkfot hingrnewur, nhai be yudbat fasohmrokfom kforhotra.
40 Yimar nompno nhai nahti dbnotkahr, nd yimar nmoh yimater.
41 Wom yimar niko htihakato kfo kangr, 'Ndurm Kraistr hikwayimayem, bu pikt ahiyanm,'
na kfo mifwanko, nd yimar tawo Bro Nkifrar yak marnyarahrr."

Yimam yak kasuhwa fasoh nefm
(Matyu 18.6-9 yo Luk 17.1-2)

42 "Wom yimar ndar na hikwa yonenm frnhehektrm fasoh nefmfsuhm, nd frnhehakyuk
yimam bro tahis yakhato mohtpitn tmbrekhatotek dany yuhat yafhohato miptkokfot.
Tohruharn fasoh yihotat hanyrahmr.
43-44 Tirtn fasoh fasoh nefm hanittn, nd tirt tmbho thukfot. Tmbho thuhato be rpa
tirrrpatpno rhu marnyaruhann toh nkifranirahn. Hus tir bugaf rpat rhurahf, rofn yakruhafn
kaht turahfn. Nd kahtnhai wom yiha minoh hmbreni hanykaht. (9.-44) Wom safemanm
dukamemom, tot wom mrokfo nmbuhat ndar veskfothut. Nd mrokfo nmbuhatinji kfiwut,

"Ndhart nd yimam rurhahato yima tabotkurwa yejefmnhai nohkahm. Yo kaht nhai wom yiham minoh hmbrenikaht." \fe

45-46 Yo wurat inji newut, nhaf puk thuhato rpa wurarpatpnoruhato toh marnyarahm.

Hus wura bugaf rhurahf, rofn kaht hanyrahfn. Nd kaht nhai wom yiha minoh hmbreni hanykaht. \f (9.45-46) Womsafemanm duka memom, tot wom mrokfo nmbuhat ndar

veskfothut. Ndmrokfo nmbuhat inji kfiwut, "Ndhart nd yimam rurhahato yima

tabotkurwayejefm nhai nohkahm. Yo kaht nhai wom yiham minoh hmbrenikaht." \fe

47 O nyingarn fasoh nefm htihato fasoh nefm ner, be nd nyingaryak rurha thuhato be rpa nyingarparpno rhuato toh nkifranirahn Bro Nkifrarhu kingdomkfofn. Hus nyinga bugaf rpat rhuneft womnyingarn fasoh nefm hanyruhatrn rorn hel rhuyuk kaht hanyrahfn.

48 Ndhart nd yimam rurhahato tabotkurwa yejefm nhai nohkahm. Yo kaht nhai wom yiham minoh hmbreni hanykaht.

49 Rho mengongm nhai sfno yak susnakfot. Kahtpno sunfahatoee yoh nfewatm kak susnewum. \f (9.49) Wahti Wok Pris 2.13. \fe

50 To wom mrokfot tfit kfiwa. Youpam tamoh tamoh roh nrhayukem. Nd youpam nhai wom you gb ye juha, to tfit finji kanjo naruhatnmtfit you gb yeruham? Youpam yakhato tamoh tamohm nrhafhato htarahnmbe nhai finji naruhatm. Be rhu marnyarahm. Youpam yemrom o tamohmyak marnyewa kanjo niko wommpno nayak marnyahato rpat tohkfot."

10

Jisasr pthamor tuhan yakhato tfit yak tuhafoneft

(Matyu 19.1-12)

1 Jisasr nd kmit htanyhato tek Jodent hayuknimortn tfit Judiaprofins yimor. Ndko yimohat nhaf yonmari yima rifhur rifiny hmbriyaknamomr. Rifiny hmbriyak-namotmr nhaf tur na hnamoa kanjo Bro Nkifrarhumrokfom yakhato kfo ptha nuhas bonuhasmorm.

2 Ndko tohetrn ndkorhof Farisim yuwi yihato ttiwon rhti memomr, "Nmoh boririfhut finji kfiwat tuhan yak tuhafoneft? Ka hifanenhai?"

3 Jisasr wanyhato tfit kfo ttiwon memorm, "To Mosesrhu boririfhutfinji kfomot tuhan yak tuhafoneft?"

4 Tfit Farisim kfo memom, "Mosesrhu boririfhut, nom yak hikwat, kfo kangt, yimar tuhan yak tuhafoneft nhai mrokfom. Afo tuhanyak tuhafoyuk kfo yakio gontwat wandfanihato ee mett yak tuhafokfot."

5 Jisasr kfo memorm, "Rot ndt hifa kfiwukomt. To nd niko wanukwaboririfhut nhai be sfno inji riruhakrmot. Tukmoh Bro Nkifrarhumrokforoh wany juhaneftpno nd mrokfot inji hnamort.

6 rfa borngt inji kfiwut, 'Bingot Bro Nkifrar ndar bbinysofthingrnahato yimam hingrnamohat mete yindariye hingrnamor.'

7 Yo wom mrokfot inji kfiwut, 'Ndnettn yindarir turhu yifammamhtanyhato turhu yak tuhantpno frtkafhato

8 mettn bi tot rorhu tirboh raft.' Bi rpa raftn tou dbkaf hmbrihatotohkfot.

9 Ndnettn Bro Nkifrarh yak nmbtekyukm nhai tfit yima mifmnyak tndohkfot."

10 Kunyko fkenihato tfit turhu disaipermmpno nd Farisimponapthamo mrokfot tfit wompam ttiwon hikmomr.

11 Kfo memorm, "Wom yimar turhu yak tuhant yak tuhafohatowom mett fekr, nd nfri mett be ijoh yuhathu metet. Nhai turhutuhan mif rhukaht.

12 Mett nhaf inji buga. Mett tuthu yak ramr htanyhato wom nfriyimarpno rim suhnineft, nd yimar be ijoh yuhathu yimayer. Nhaituthu ramem mifr rhukahr."

Jisasr yonroh nmbuhat kfo pthamor

(Matyu 19.13-15 yo Luk 18.15-17)

13 Wom yimam Jisasrpno yonenm hnehato memom, "Jisasr tir htahatokfo bruttnarahm." Disaiperm inji htihato tfit kfo huttnimommnd yon hnayuk yimam.

14 Jisasr inji htihato kfo huttn memorm, "Yonenm wahti marsisafokahtkommnanpno aniam. Mirahko akfo rafonomm. Yimam yon mumenm kanjo yorhwam Bro Nkifrarhu kingdomkfofn rhurahm.

15 To afo wawanyko. Yimam nhai yon mumenm kanjo be Bro Nkifrarparhukingdomkfofn

rhukahm be nhai yiruhatm Bro Nkifrarhu kingdomkfot."

16 Be nd toni hnamo yonenm yak nhafohmormn Bro Nkifrar kfobruttnahato fak wus bowusmorm.

Wuska kunyet yimar Jisasrno yihato naphamo yuhat

(Matyu 19.16-30 yo Luk 18.18-30)

17 Jisasr sinyani yi hanyetrn wom yimar toni yaknehato Jisasrpnobangu myuknahato ttiwon memor, "Hifa tisaye, nane finji naruhoynnBro Nkifrar pno toh nkifraniruhoya?"

18 Nd Judaroh bro yimar hifa tisa yufat Jisasr yutamotr Jisasrwanyhato kfo memorr, "Tamohmpno kfo yamukona, hifa tisa? Nhaiwom hifa yimar tohkahr. Bro Nkifrarpar dborioher.

19 Nkifra thfa mntwat ni bi wanyete. Kfo kangt, 'Mirahn wanambursinyahato yima awas furaya, mirahn ramet tuhantpno arim fnaha, mirahn arikoha, mirahn wom yimar wom mrokfom akfo wokanr, mirahnwomm amkfo yuhur nneh bonhehkahanm maruham o tamohm amiyakhiyanm, yifamaroh mrokfo wany yakiohato rroh yinhitn rhukfot.' "

20 Jisasr inji kfonimotr tfit nd yimar sinyahato kfo memor, "Tisaye, na yuhre yonenann nd thfa mntwam rihikakmoyanm. Nhairiyak htaforroyanm."

21 Jisasr nd yimar hti yuhuwafhato kfo memorr, "Rot hifa nkifrathfa mntwat kakitohwont. Tmift wom nefrpat nhai nakahnt. Nd niharhuwa wuss yak htatahato wommn wiknakfot. Nd wusspno yakyukmarut yakhato tfit nd wuskapa duha yimamn nd marut hekfot. Injinarahn, hefenrko mfro wuss harhurahn. Inji nanihato tfit na niahikkfot."

22 Jisasr inji kfmotr nd yimarhu nyingatikt faso yimotr. Boknabok wusketrn nd mrokfot wany mohat yima yuhur nhai marnyahatoyirmor.

23 Jisasr kekutnihato turhu disaiperm yukatohhato kfo memor, "Wahtiko, yimam boknambok wusketm be tu mduka nhiyekwom Bro Nkifrarhukingdomkfothu fkneneft."

24 Turhu disaiperm wanyhato be tuha mrokfo duhatm rhumom. Tfit Jisasr kfo memorm, "Arenko, yimar kangr Bro Nkifrarhu kingdomkfotafkneniya, mirahr ka be yak dbhofnani ruha. Nhai. Muh wohne fnahrah.

25 Womhtet mong wakuyet fohr kutewumr kamerr. Nd kamerr fknanyirfortnahuyuk nirthu muht. To yimar wuss mfro haruhetr, Bro Nkifrarhukingdomkfothu fkneneft mduka nhiyakrfor."

26 Tfit tu Jisasrhu disaiperm inji wany mohat tfit mifoh rihanimom. Miyoh rihanihato kfo memom, "Barenko, nom kangnom ka ndhtet marukunyet yimamn hifa rhu nmbuhat miyakrahm. To nhai. Ndhtet yimammthu nhiyakrahm Bro Nkifrarhu kingdomkfothu fkneneft. To nomendhtet yima furapanom, to nome finji Bro Nkifrar pno yihato mtohnkifraniruhanom?"

27 Jisasr yukatohmormn kfo memorm, "Niko yimakomn tamoh tamohnefroh finjina finjinaneft mduka nhiyekwoko. Tu Bro Nkifrar nhaiduka nhiyakkfot wom tamoh nefroh finjina finjinaneft."

28 Pitarn sinyahato kfo memorr, "Wahtinnom. Nom ninhu hikneftnmoh tamoh tamohm mong trohhato ni mhikaknamonom."

29 Tfit Jisasrn sinyahato Pitar kfo memorr, "Na kfo mif mifwanko, yimam nani gutnius mrokfot dukahato rroh kunym, yon tuhanm, yifamndarm tamoh tamohm htanymm,

30 tfit Bro Nkifrar wom 100 kfot thu hutahi hanyrahm. Tfithtirahmm bok yifa mndaretm, kuny rmonetm, tamoh tamohetm rhurahm. Nhai yak mmbra finyruhatm. Yo rom nda bbinsoft toh thombat bokyimam yihato yak bebrahmm. Kto Bro Najomrhu yawihnayuk yiharntfit Bro Nkifrar pno toh nkifranirahm.

31 Arihart nyingako tohekwa yimam, kto tfit mongko yihom fnahnirahm. Nd mongko tohyukmn tfit nyingako mfnahnirahm."

Husfirpehyuk mrokfot Jisasr kfo memor, "Nohaforhoynn tfit sinyaruha."

(Matyu 20.17-19 yo Luk 18.31-34)

32 Jisasri turhu disaiperm memom, "Jerusalemko yirahnom." Jisasr tohakmotr yo nd roppno yauyuk yimam mongt tohmom. Turhudisaiperm inji htihato bok dukefm fakmom. Memom, "Ka Jerusalemthofm yak bebrahmr." Wom yima furam nhaf inji htihato fanhomom. Jisasr turhu disaiperm yakhato turpathato kfo memorm,

33 "Wawanyko, nom Jerusalemko yitahat, na Bro Najoma hrekkiti prisroh bro yimami nkifra boririfhuthu tisaroh tirmn. Kmimrompno nakfo habofkniruhamn, yima tangimpno htarhotma,

34 rom sinyahato kuninfar wuna kfo hutatpno kfo hutatpno yenyohrahma. Tfit wife wife yenyoh gurahma. Wife yenyoh guhato tfit yura bgremisn kihagir-rhotma nohruha. Nohruhoyann tfit husfirpehyuk marrpnotfit sinyaruha."

Jems Jonrof memof, bro yimano arhuno

(Matyu 20.20-28)

35 Sebedirhu yon husf, Jemsri Jonr, nd hus yonf Jisasrpnno yihatomkfo memofr, "Tisa, no kangno, nnoh wom dukeft bi akfo nuhashtatanonn."

36 Jisasr sinyahato kfo memorf, "Tamoh mrokfot yamukafn, akfonuhasnonr?"

37 Nd yon najohf sinyahato kfo memofr, "No kangno, ni kingntoh thoft no najo wayak htatwanno. Womr tirmifko wayak htatwanr, womrne kindonko."

38 Jisasr sinyahato kfo memorf, "Nifn nhai duka hik marnyahatottiwonkahfna. Nd na yeruha krhoparoh kaft ka yenyho twanho mifrahfna? Yo na baftaisruha krhopa yakyuk baftaiskfot nifn yakrahfnt?"

39 Kfo memofr, "Uwano."

Jisasr kfo memorf, "Na yeruha kaft rot nifn yerahfnt. Yo nayakruha baftaiskfot nifn rot yakrahfn."

40 Tmift nanhu kindonko yo tirmifko rhuyuk tkitt yak htaneftn, na nhai bi nanhu fijo kfo mekfot ni ndko rhurahn, yo ni ndko. Nhai. Tu Bro Nkifrarhu duka fijo fak hta nhombra htatamorm tkitm. Kto turhu hti fijo tkitm yak hta nhombra hi hanyrahm."

41 Jon Jems najohf inji ttiwonmotfr tfit wom 10-pela disaipermkfo hutt memomf, "Tamohmpno ndhtet ttiwon nmbuhat ttiwonwafnr?"

42 Jisasr rpat naku nhafoh bugamormn kfo memorm, "Niko bihtiyeteko, kingm yima tangim yakitohwohat. Yimam be nd tohak yimarhuyinhitn tohwom. Nhai womr finji tfit kfo pthakfot. Yimam be rorhutngrpat hikkfot."

43 Niko mirahko nd neft ahiknom. Yimar kangr, 'Tohukatohr atoha,' nd yimar afo nikmoh hingrnanho yimar tohkfot.

44 O kangr, tohak yimaya atoha, afo toh taro yimar tohkfot.

45 To na, Bro Najoma niamohat, nhai nanhu rhu nmbuhat dukahatondar bbinyssoft niarmoyant. Nhai. Nikmoh rhu beb nmbuhat duka tanyhatoniamoyant ndar bbinyssoft. Nann ndar bbinyssof thofroh fasoh fasohnefm suh nanyorruhanm."

Jisasr yak marnyamo nyinga kunyjetr

(Matyu 20.29-34 yo Luk 18.35-43)

46 Yi yimomn Jerikot mfnahmom. Mfnahhato yonmari yima rifinyrpnorpatn yuhre fau htany hanymomt kmi Jerikot. Nd kmitn wom nyingakunyjet yimar yihota yifembtn rhu hasomor. Nd yimar Timeusrhuyon Bartimeusr. Nd yimar yihotam ruhato yihotat yau naffyuk yimammaruha tndaumorm.

47 yihota yuhat ruhato wanyak hanymorm yimam ptha hofhta hnamohat. Kfo memom, "Nasaret thof Jisasr niewur." Ror inji wanyhato kfonakuyafo memor, "Defitrhu tangishof Jisase, wayuhuwafna!"

48 Inji kfo nakumotr wom yimam kfo thfamomr. Ror nhai wanyyakiohato naku tmbhormor. Tfit wompam masat kfo nakuyafo memor, "Defitrhu tangishofe, wayuhuwafna!"

49 Be Jisasr nd yimarhu naku tngt wanyhato be mtohmor. Mtohhatokfo memorm, "Nd na nakuta yimar wahnakomr." Yimam yihato rimkfo memomr, "Mirahn adukaya. Wasinya. Jisasr ninn nakutr."

50 Be yudbat sinyanihato nd ror hmbremoa sakethat wathu hrurtanymortn Jisasrpnno yimor.

51 Jisasr htiyak hanyhato kfo memorr, "Wurene tamohmn nakuna?" Nd nyinga kunyjetr kfo memor, "Tisaye, kanga nyingam wayak marnyakahtnaayukatoha."

52 Jisasr kfo memorr, "Nanhu nia mrokfot ni wanuhat ninhubro dukeft nann htahato nakuna. Ndnettn wanju. Mirahn adukaya. Ninhu nyingam marnya-rahmn." Be nd yimarhu nyingam nhai wom kuknarmomr. Yudbat fukatoh dbtakumorm. Nd nyingam marnyamotmr Jisasr fau hikaknitwanhomor.

Jisasr krhopam yakhato nohmor. Nohhato tfit sinyamor.

(Sapta 11-16)

Jisasr king kanjo Jerusalem yimo yuhat

(Matyu 21.1-11 yo Luk 19.28-40 yo Jon 12.12-19)

1 Jisasri turhu disaiperm yimomn brbo Jerusalemtpno yorhwaOlifet kmi yihofr yorhwa kmi Betfageti Betanit mfnahmom. Ndamhtahato hus disaiperrf kfo tkrur memorf,
 2 "Ndar rihtita kmit warine hanyfn. Warine hanykahfn htrahfnrnatifatayet donkiyenr. Nd donkiyenr nhai yimam tafi rhuhato hatone-rmomr.Nd donkiyenr wayak nyusakaknetwafn.
 3 Yekwatfnr yimam ttiwon kangmfn, 'Tamohmpno yaknitafnr?' wakfowamitwafnm, 'Bro Nungothetr hingrrefetrn kfeitrno be yifrar kakniyahukanonr tfit yudbat yarim htanyrahr.' "
 4 Be rof yimofn mhtimofr donkiyenr kuny yifhatikthu yirawihmispno natifa htatayetrn. Be rof inji mhtihato nyusakaknamofr.
 5 Yimam inji htiyafo hanyhato ttiwon memomf, "Barefn, tamohmpnond donkiyenr yaknitafnr?"
 6 Kfo memomf, "Bro Yimar kfo tkrureftrno kakniyahuknonr."Be inji wanyhato kfo memomf, "Wayaknihefnr."
 7 Be nd donkir nyusakaknihato hanyhemofr. Jisasrpn mhtahatotufhu rmontham yakmofmn donkirhu mongtn rhuyuk tkitt htamofm.Htanihato Jisasr mrhuhato yimor.
 8 Ror yimohat yonmari yima rifhur ror htiyak hanyhato tuohrmmontham yakmomm, rorhu yiyuk yuhatn hta nyingtak-momm. Womm miyuhtamyak wokakhato ror yiyuk yihotatn htakmomm.
 9 Jisasrhu nyingako tohakmo yimam yo mongko tohyuk yimam, romnkfo naku ptha hany memoum, "Wayindhorakkomr. Bro Nkifrar ayakmarnyatwarr Brorhu yufatpno niayuk yimar.
 10 Bro Nkifraye, nda nmoh bapem Defitrhu frika yuhat niayukyimar king toh thoft wayak marnyatwanr. O tu tunga Nkifraye."

11 Be Jisasr kmi Jerusalemr mfnahhato Bro Nkifrarhu temperrrim fnahnihato temperrhu kuny rifhut rhuyuk tamoh tamohm hti htfasbugamorm. Marr bi miyak yifho buga hanyetrn be tfit fnahnimornturhu 12-pela disaiperm yaknimorn Betaniko yimom.

Jisasr fik tihat kfo memort, "Mirahn tfit yukha hir mifa."

(Matyu 21.18-19)

12 Betaniko mhwi tanyhato ndwom dbha memom tfit anianom Jisasrbuha myatinohmor.
 13 Nndo kkof tohhato fik tihat htimort twettn. Ror memor, "Kayukha hirwot." Brbo yihato fukatoh hambro titamort nhai wom yukhayenmhirmomt. Yuhtam be sfno twabomrpm bommomt. Tu fik wormr atohrawi yukham hirmom.
 14 Be nd fik tihat yukham hti hambrotihato nd fik tihat kfomemort, "Mirahn tfit yukha hirkahann yimam yukham ayak ayema."Jisasr inji kfomohat turhu disaiperm wanyomomr.

Bro Nkifrarhu temperr maket htamoa kmim Jisasr yihato yak thumo yuhat
 (Matyu 21.12-17 yo Luk 19.45-48 yo Jon 2.13-22)

15 Jisasr Jerusalem rim fnahnihato rim htimorm Bro Nkifrarhutemperrn maket htamoum yimam. Rim htihato maket htamoa yimamiyeshrim wiknamoa yimam hik tubatumorm. Hik tubatumormn maruhaniyak tuknamoa teborm yo nunga ganyom mmkrm htamoa gajim nembostubatu hikafmorm.\f (11.15) Wahti Matyu 21.12 yorhwa kfo nuhasyukmrokfot.\fe
 16 Nd yiha yimaroh wiknayuk tamoh tamohroh temperrhu hiyauhafkneneft kfo rafomort.
 17 Yak thunihato kfo memorm, "Bro Nkifrarhu rfa borngt kfokangt, 'Nanhu temperr nanhu kfo bruttnayuk kunys rhuraht.' Tfitnikomn kangko rikoh yimaroh yi kafrohuyuk tkitt arhut."

18 Ror kfo pthamoa mrokfom met yindarim wanyomohat mfha thaduhatm rhumom. Ror pthayuk mrokfom wany fanhomomm. Ndnnettn prisrohbro yimami nkifra boririfhuthu tisam inji wanyhato kfo memom,"Be wom yuhamn kfo nhehakhato wasrahnomr."
 19 Be krifnano Jisasri turhu disaiperm Jerusalem htanyhatoyimom.

Rpa dukefrparpno ptha bruttnarahn tamohm ni kfoyukm yakrahnm

(Matyu 21.20-22)

20 Hwe nfha ndwom dbha Jisasri turhu disaiperm tfit yi hanyhatohtimomt nd Jisasr kfo nambur mrokfot kfonimo fik tihat bi twayuruf hasettn. Memom nndo tohrn yitatttr fokrta hmbrit.

21 Pitar nd mis htihato tfit dukamor Jisasr kfo memohat, "Ndamis miraht tfi yukha hirhato yimam yukham tmbra ayama." Pitarnd mrokfot dukahato kfo memor, "Tisa, nohok nda mis kfo namburmero, anohtwat. To wahti bi fokrtewut!"

22 Jisasr wanyhato kfo memor, "Nikmoh bro dukefm Bro Nkifrarparhtakfot.

23 Na kfo mifwanko, nikmoh yima yuhum be tu rpa yima yuhurruhato ndar kminysoft kfo mirahkomt, 'Asomif nom kfiwunom marombtnwamitoh witani,' to be htirahkomt nd kminysoft marombtn mitohwitaniraht.

24 Nikmoh yima yuhum rpa dukefrpar rruhato tamohm kfo bruttnakfo mirahko, 'Nom asomif kfiwohat Bro Nkifrar wanukwarn nd nomkfo bruttnewa shrm htitnomm.' Inji dukahato kfo bruttnarahko, to be hti mifrahko.

25-26 Kangn, 'Akfo bruttnaya,' womm nayuk nefm afo mong trohkfot. Womroh nefm mong trohrahnm, tawo ninhu Yifemr hefenr tohwar mongtrohhirahrn ninhu nefm." \f (11.25-26) Wom safemanm duka memom, tot wom mrokfo nmbuhat ndar veskfothut. Nd mrokfo nmbuhat injikfiwut, "Nhai mong trohherfokomm rom nayuk nefm, to tawo nikonayuk tamoh tamoh nefenm nhai mong trohhiruhatrko nikmoh Bro Yifemr." \fe

Jisasr bro yufat yakmo yuhat kfo ttiwonmomr

(Matyu 21.23-27 yo Luk 20.1-8)

27 Jisasri turhu disaiperm tfit yimom Jerusalem. Yihato BroNkifrarhu temper kmifarn fknenimorn fau htfasmor. Yau htfas hanyetrnprisroh bro yimam yo boririfhuthu tisam yo Judaroh wom bro yimamfau yukato-haknimomr.

28 Brbo yihato kfo ttiwon memomr, "Frohmn ndhtet bbuka rifhurhemomn? Frohmn bbuka rifhur hehato kfo memomn inji wanatwa?"

29-30 Tfit Jisasr sinyahato kfo memor, "Na to tawo tfit ttiwonwanko. Tone Jonr yimam baftaisimmoahate tu Bro Nkifrar kfmotrr ndhtethingrneft hingrnamour o be yima mifm kfmotmr yimam baftaisimmourm? Nd ttiwon nmbuhat kanga wakfo nuhasakhtkma tawo kfo nuhasruhankona hingrnewa hingrneftu bbukeft yakmo yuhat."

31 Rom inji wanyhato tfit tum nnakfo memom, "Nom sinyahatokfo mirahnomr, 'Bro Nkifrar kfmotrr hingrnamour,' to tfit mirahnom, 'To tamohmpno wany yakio duha yirmokomr?'

32 To Jonrhu mrokfom bi profetm kanjo pthahato yimam bi wanyhatohetmn, tfit nom kfo mirahnom, 'Yimaroh kfofotno kfo pthamour,' to be yimam sinyahato tat nohrahnmom."

33 Be myak nhtaktihato be kfo memomr, "Nom nhai tawisafkahnom." Rom inji kfmotm tfit Jisasr kfo memomr, "Na to inji. Na nhaikfo nuhaswotanko na hingrnewa hingrneftu bbukeft yakmo yuhat."

12

Wain swirt tohukatohmo yima bebroh kfo nhombra mrokfot

(Matyu 21.33-46 yo Luk 20.9-19)

1 Jisasr bro yimampno wom kfo nhombra mrokfot yakhato kfo memomr, "Wom yimar wain swirt htamor. Wain tofm nuhtanihato gnat gnahabrimort. Gnanihato muhr toumorr wain yukharoh yahot kembiftyukr. Ndt inji hingrnanihato tfit nd wain swirthu rhu yukatohyuk kumbakunyr hingrnamorr. Be inji hingrna tanymortn wom yimam yakhatond mswirthu tohukatohhato yukharoh nayak nhta yuham nayak dbkafhatoror be wom kmimn toh habrimor.

2 Kto nd wain swirt yukha hirmott yukha yak yiharn nd tu wainswir tikatr turhu hingrna yimar kfo tkrurafmorr, nd wain swirtyakitoh hasoyuk yimampno. Kfo tkruraf memorr, 'Waikahnn nanhuyufathu htahayuk yukham wamiyakhina.'

3 Yihato nd mswirt tohukatoh hasoyuk yimam sinyamomn tabotafmotmrbe sfnopa tfit yimor.

4 Be nd wain swir tikatr htityaktihato tfit wom yimar kfo tkrurafmor. Nd yimar nhaf be rpahtet neft namomr. Mfhapako frddbithato fasofaso kfo yimtna boyimtna tuhafmotmr be yimtneftno yimor.

5 Tfit womr kfo tkrurafmor. Ndrne be wasmomr. Be wom wom yimamyimoahat be mifahotakmoum. Nd mswirt tohukatoh hasoyuk yimam sinyamoamnwomm tabotmoumm, womm wasmoumm.

6 Wuroh turhu garbn yon mifr. Nd yonr be marbit htamourr. Dukamemor, 'Tukanhu garbn

yon mifr yiruhatre wany yakiorahmr.'

7 Be nd yonr tkrurafmotrr yimor. Yimotr wain swirt tohyuk yimamhtiyakhato tum rinnakfo nakfo memom, 'Ndarr turhu yonr nier. Yifemrnohneft to nd yonrn tkitt yakhato ndar wain swirt rorn yakrahrt. Finji dukewako? Awaskahnomr be nd wain swirt be nmoht rhuraht.'

8 To be mrokfot nayak dbkafnihato turhu wain swirt toh hasetrnwasakhato briaahako rim tuhafo tanyomomr."

9 Jisasr inji kfo pthanihato kfo memom, "Niko to finji dukewako? To nd wain swir tikatr, turhu yonrhu was mrokfot wanynefte tofinji naruharm? Na kfiwanko wain swir tikatr nieruharn nd yimamwas hehur thuruharm tfit wom nndoh tkitthu yimam yakhato yak htarahrmdnd mswirtn.

10 Wom mrokfot Bro Nkifrarhu rfa borngt yorhwat htitwokomt? Nd mrokfot kfo kangt, 'Nd rahur, kamda yimam hti kurhato yak thumor, be bi tfit nd rahurn bi dany rahur tohwor.

11 Tu Brorn inji hingrna hta bohtamotrt nom be inji htihato mrokfo duha korhwonom.' "
Sng 118.22, 23

12 Nd nd mrokfom pthamotrm bro yimam wanyhato kfo memom, "Ndkfo nhombra kfo nomn niewut." Jisasr pthamo mrokfom rom wanyomohatyima yuhumio bi nambur kih bugamomm. Memom, "Ka bi kak twanhiwunomr." To nhai, yimam htihato afo fakrmemom yakneft. Duka memom, "Finjirinakrahn, rom sinyaruhamn tabot nohrahmnom." Inji dukahatofafho thu tanyomomr.

Sisarhu maruha he yuhat

(Matyu 22.15-22 yo Luk 20.20-26)

13 Judaroh bro yimam sinyahato Farisimi Herotrhu politikerpatikfot tohyuk yimam yakhato kfo memomm, "Nikmoh womm aikahkomrrohu mrokfo ptha swirnm rhunhohato yuwi ttiwon rhtikfot. Finjifinji kfiwur, nd tkittn yakhato kotimrahnomr bro yimampno."

14 Be inji kfafmotmm yimom. Yihato yuwi ttiwon rhti memomr, "Tisaye, ni pthewa mrokfom nom hifa wanuknomm. Mrokfom hifa hifakfo hik bohik marnyewanmn Bro Nkifrar hikwa nefm kfo hik nuhasmarnyewunm tuhan yindarim. Mrokfom kfo pthiwohat nhai hti mekahndr yufet yimayer o ndr yufa duha yimayer. Nhai. Mrokfom kfo pthaneftbe kfo pthewunm. Nhai yimar o yufam htihato kfo pthakahnm." Injifonihato wom ttiwon nmbuhat yuwi ttiwon rhtimomr, "Nome ka Sisarhutakis htahenefte ka htarfonome nhai?"

15 Rom yuwi inji ttiwon rhtimohat Jisasr bi htimorm rroh dukefm. Htihato kfo memom, "Tamohmpno inji ttiwon rhtitakma? Afo womtahifat wayak nuhaskoma."

16 Inji kfomotrm wom tahifat hemomr. Nd tahifat yakhato kfomemomr, "To nda tahifat yorhwa nyingatikte frohroh nyingatiktiyufat yorhwaf?" Kfo memomr, "Sisarhu nyingatikt korhwott."

17 Tfit kfo memomr, "Sisarhu nyingatikt korhwott to be tfitSisarn hekfot. Bro Nkifrarhum nhaf inji. Tu Bro Nkifrar hekfot." Inji kfo wokafmotrm be tuha mrokfo duhatm tohmom.

Sadyusim Jisasr ttiwon rhtimomr yimaroh nohnefti sinyaneft

(Matyu 22.23-33 yo Luk 20.27-40)

18 Farisim yimotm tfit Sadyusim yimom. Nd Sadyusiroh dukeftduka memom, "Noh hanita yimam nhai tfit sinyaruhatm." Rrohdukeft inji rhumout. Nd dukeftpno Sadyusim Jisasr pno yihato mkfomemomr,

19 "Tisaye, Mosesrhu boririfhut kfo kangt, wom yimar tuhanyakhato nhai wom yonm kasinya htanirfor, nd rorhu tuhan dhirttfit wom nmemrn najom dhirt yakhato rorpno yonm nasakhato tfitnajomrhu tkitm romn tohkfot.

20 Wom yima najohfitpno to inji rhumot. Nd yima najohfit 7-pelakfottomom. Barkof bro najomr tuhan fakmor. Ror tuhan yakmohat nhaiyonm nasak htanihato nohrmor.

21 Be nohmotr tuhan dhirt tohmott tfit rorhu wayakrn fakmortuhan dhirt. Rorpno nhaf nhai wom yonm nasak htanihato nohrmor. Tfit rorhu mongko nuryukrn tfit fakmort nd tuhan dhirt. Ror yakhatobe rpahtet neft.

22 Be inji nahany nahany 7-pela yima najohfit rhu nhombrabugamotm. Wuroh 7-yukrpnone nohmot. Nhai wom yufat kasinya-hermotmnd yima najohfi bugat.

23 Nd 7-pela yima najohfit rpa metrpat rim rhuta mrhutamoto. Kto nd najohfit sinya thoft nd mette fitoh yimarpno tohruhat?" Inji ttiwon rhtimomr.

24 Jisahr wanyhato kfo memorm, "Bro Nkifrarhu mrokfom yo rorhubbukeftpno nd noheh yimam sinya thoft ka mumiwuko.

25 Wawanyko, nd bi noh hanita yimam kto tfit sinya thoft nhaitfit tuhan yakruhatm. Nhai. Be inji sfno hefenrhu mounmotm kanjotohrahm.

26 Nd yimaroh nohato sinya yuhat Mosesrhu tndht duka hanykfot. Wom yiha Mosesr Bro Nkifrar kahm kanjo mi bufupatn funamotr htihanymorr. Bro Nkifrar Mosesr kfo memorr,
'Nane Abraham, Aisak, Jekofroh Nkifraya.'
Kis 3.6

27 Bro Nkifrar yima nfri yafothet yimaroh Nkifraye. Nhai nohehyimaroh Nkifrar rhukah. Nikmoh kfoyk mrokfom kfo mumiwuko."

Nyingako mtohekwa tu bro boririfhut

(Matyu 22.34-40 yo Luk 10.25-28)

28 Jisahr Sadyusim mrokfom nakfo nakfomoahat wom nkifra boririfhuthutisar rhuhato wany yakitoh hasomourm. Sadyusim Jisahr kfo ttiwonmoatmrftit Jisahr kfo nuhas marnyamourm. Ror inji wany hasohato ttiwonmemorr, "Ndar nom wanuka boririfhum, fitoh boririfhutn nyingakotohekwa?"

29 Jisahr wanyhato kfo memorr, "Nd nyinga tohekwa boririfhutn inji kfiwut:

'Niko Isrerko wawany marnyako, Bro Nkifrarpar nmoh Nkifrarhukfot.

30 Bror ninhu Nkifraye, ndnatn ninhu yuhuwaf marbi bugam, ninhu yafothat, yo ninhu yima yuhu bugam be rorparn htakfot.'
Lo 6.4-5

31 Yo ndwom boririfhutne:

'Tunn yak marnyewa kanjo inji womm yak marnyakfot.'

Wkp 19.18

Nd hus boririfhutn tu bro boririfhu mifef."

32 Be nd nkifrar boririfhuthu tisar inji wanyhato kfo memorr, "Bro yimaye, ni tu tpiyet mrokfot kfiwun. Brorpar tor tu Nkifrar, nhai tfit womm.

33 Nom be rorparn nmoh yuhuwaf marbi bugam, yima yuhum, bbukefmrparn htakfot. Yo tunn yak marnyewa kanjo inji womm yak marnyakfot. Nd hus boririfhutn tu fipetef. Rofn tohakhato tarioh mthaneft beyak tariokfot."

34 Jisahr nd yimar kfomo mrokfot wany mohat, tu hifa duka tungunetyimam pthiwa kanjo inji wany mor. Wanyhato kfo memorr, "Ni bibrohwo Bro Nkifrarhu kingdomkfo rhuneft." Judaroh bro yimar wanyhato fakrmemom tfit wom ttiwon nmbuham ttiwonneft.

Frohr miyak htiyakruharnom?

(Matyu 22.41-46 yo Luk 20.41-44)

35 Jisahr Bro Nkifrarhu temper kmifar tohato tuhan yindars Bro Nkifrarhu mrokfom kfo nuhas hanyhato kfo ttiwon memorm, "Tamohmpnoboririfhuthu tisar kfo yamukam, 'Yimaroh minrfa htiyakruk yima Kraiser, Defitru frikef yuhathu yimayer?'

36 Bingot Bro Nkifrarhu Yafothatn Defitru yima yuhur hemotrrkfo memorr,

'Bror kfo memorr nanhu Bro Nungothet Kraiser,

"Nanhu bro bbukeft yorhwa tirmifko wamrhun.

Wamrhukahtn nd ni namburwa yahr kmim

afo ninhu tirtn htahato ninhu mofsinhitn yak htaruhanm." '

Sng 110.1

37 To nd yima Kraiser bi Defitru kfo yuta hna memora, 'Nanhu Bro Nungothetru,' to tfit Defitru frikef yuhat nierahr?"

Nkifra boririfhuthu tisaroh fasoh nefm

nd yihar nierahr.

11 Fitha kot swirm hanitwomko mirahko yakrmihato akfo amanyom,'Amai, na finji kforuhoya?' Mirahn inji aduka yanhoya. Bro NkifrarhuYafothar mrokfo ptha dukefr hirahrn.
12 Najohfi yagnm tum nahndhনারাহম. Womr sinyahato womr hndhনারুহাটররwasrahmr. Nitohfim nhaf to inji. Yifemr sinyahato yinemr hndhনারুহাটররwasrahmr. Yinemrom nhai yifa-mmampno nayak marnyaruhatm. Yinemromsinyahato yifammam hndhনারুহাটম wasrahmm.

13 Nann hikruhatko yimam nhai hifa nyingar hta hakuruhatmko.Be faso hti sr thurahmko. Fitoh yimar toh bmtahany toh bmtahanybbinysofthu bati yihar mfnahr, nd yimar Bro Nkifrar yakrahrr."

Jerusalemrhu yak bati yihar

(Matyu 24.15-28 yo Luk 21.20-24)

14 Jisasr kfo memorm, "Wahtiyaf hanyswako. Bro Nkifrarhu temperrhukforafet kforafet tkitm bi wom hhrek shrr bi rim yorhtrm nd temperrhuTahi Yarhr bbnarofakhato fnahnir, to be Judia profins tohyuk yimammirahm wom atoh hasonom, yura kminysofko ayakrmanyiwam. (Yimarmrokfom htiyukr hti hik marnya hanyhato mrokfo yimbu yuham yakkfot.)

15 Yimar bi kunyshu wom yura ken tikrko wurhu mska hasir, mirahrftit yiro mmem kunyko ayohnikahann wuskam arimaka.

16 Yimar bi mswirko yirn ndko tohwor, mirahr tfit kmiko aikahannturhu yuke hmbreshat afo tfit ai ayaka.

17 Metm yon fanetm yo tefti yon hamborietm finji yakrmiruhamnd bro krhopam yakakna thombat? Romn tu bro yuhuwafeft korht.

18 Bro Nkifrar kfo bruttnahato mirahr nd bro krhopam bro gonngwormrn arhukahtm yimam nd yiharn ayakrmem.

19 Nd neft nia thombat mirahko ka tefti tefti kurhefm rhurahm.Ndar bbinysoft trhanimohat nhai ndhtet krhopam rhurmom. Yo ndartoh hniwa yiham nhai ndhtet kurhefm htikahnom. Yo kto nhai ndhtetkurhefm wompam rhuruhatm. Be tu bro bro krhopam tohrahm.

20 Nd kurheft rhu hany Bro Nkifrar nhai bmbri yak nohrfort,be yima bugam nd kurheft ye wus batirahtm. To nhaft Bro Nkifrarftit dukarahr tur bi kfo htayuk yimam. Romn dukahato nd krhoparohthoyuk yiham tfit yak kkopenrahm.

21 Nd yiha wom yimam kfo mirahmko, 'Barenko, nd Bro Nkifrankfo htamo minrfa htiyakyuk yima Kraistr bi asor, asha.' Womm kfomirahm, 'Usor, usha.' Inji wanyrahko, mirahko awany yakionomm.

22 Womrne inji narahr. Mirakerkfot hingrনারুহাট kfo mirahr,'Na asoya niko toh gari hasiwa minrfa htiyakyuk yima Kraisa,'o kfo mirahr, 'Na profeta.' Inji kfohato wonk wonk mirakerkfohingrনারাহম. Yuwi mirahm, 'Tu Bro Nkifrar kfo htayuk met yindarimfrnhehakhato ahikmnom.'

23 Ndnnetn duka marnyaf hanykfot. Kfo duka mrokfom bi kfo dukahtiwanko."

Bro Najomrhu yawihna yihar

(Matyu 24.29-31 yo Luk 21.25-28)

24 "Nd bro kurheft rhuniruhatt ee htirahko marr rim noh kfirahr,nhai wom taruhatr. Yamt nhaf inji. Rothu nukeft rim fnahniraht,nhai wom taruhatt.

25 Gunym rom nhai mount rhuruhatm. Rom be wuyohninehato misuhrahm.Mount thu habokknamo yifonm mirahm nndo ginunes kekwothm.

26 Ndtpon ee btn Bro Najomr htiyakrahm gribpamn hawihnerahmr.Ror yawihna thombat turhu bbuka rihfur yo ror hatoh hneruha nukeftmirahm nndo marrn yifa tohnewur. Inji htiyakrahm.

27 Ror yawihna thombat mounmotmn kfo tkrurafhwatr romn turbi kfo htayuk yima bugam yak nhafoh htfasrahmm."

Kutr hti hikkfot

(Matyu 24.32-35 yo Luk 21.29-33)

28 Jisasr kfo memorm, "Kutr htitwonomr, twam hukteyum kfokangnom kut yinr tohrahrr.

29 To be inji hti nhtakrahkomr Bro Najomrhu nia yihar. Bi ndnd nefm htitwoko, wakfo wamitwoko, Bro Najomrhu nia yihar bi brbohwr.Yifhatikt bi tohwor.

30 To nd nefm rhu thoft to mirahko arihat tohwa wom yimam binohetmn nd neft rhuraht. Nhai. Arihat wom tohwa yimam yuhre tohetmnd neft htirahmt.
31 Nd neft rhuneft htirahko mounti bbinysot mibatinirahf. Nanhu mrokforpat nhai mibatiniruhatt."

Nd nefroh rhuyuk yihar nhai wom yimar tawisafkahr

(Matyu 24.36-44)

32 Jisahr kfo memorm, "Nd na kfiwa nefroh rhuyuk yihar nhaiwom yimar tawisafkahr. Mounmotmi Bro Najomr rom nhaf nhai tawisafkahr. Tu Bro Yifemrpar tawisafwort.

33 Niko nhai tawisafkahko nd nefthu rhuyuk yihar. Ndnnetn nikobe duka marnyahato hti yukatoh hasokfot.

34 Nd neft wom yimar kunys htanyhato warkmit yita kanjo injirhuraht. Kuny sikatr kunys htanyneft hinger na yimam rpa rpa hingernefmkak htanyworm, kuny yifhatikthu tohyukr kfiwurr kunyshu yukatohmarnya hasoneft.

35 Ndnnetn niko be yimbhindangm tohetohaf hanykfot. Nd kunysikatr ka krifn o yifung o ka dbha ksfut nierahr.

36 Miruhatr tfit yudbat ania, mirahn hwe haseta amihtira.

37 Ndar na kfiwa mrokfom yuht met yindari bugam kfiwa. Nikobuga difronhato hti yukatoh hasokfot."

14

Jisahrhu was yuhathu mrokfot bro yimam rhu pthamo yuhat

(Matyu 26.1-5 yo Luk 22.1-2 yo Jon 11.45-53)

1 Yispa hta duha bretparoh ye yiharhu barkof yihar, kutewumrPasofa burwa yihar, \f (14.1) Isrerm Ijift tohhato Bro Nkifarmiyak htiyakmo yihar kutamoumr Pasofa burwat, nd yihar rhu rifinyhatotfit kedukamoumr Isrerm Ijift htanymohat. To nd Pasofa yihariwom 6-pela yiham yispa duha bretpam kamoum. \fe nd yihar bi brbohnetrnprisroh bro yimami nkifra boririfhu tisam tum rhu rifiny-hatoJisahrhu hndhna nhehakhato was yuhathu mrokfot nafak dbkafmomt.

2 Kfo memom, "Nd bro Pasofa burwa yihar mirahnom awasnomr, to be you muht kanjo watanhehakrahnom. Bi kmi kmi nia rifinyetmnto be romn wahiyafrahnom."

Wom mett Jisahrhu mfhat mfro mtha yahrnyet welpaye yuk wunamo yuhat

(Matyu 26.6-13 yo Jon 12.1-8)

3 Jisahr Jerusalem toh tanyhato Betaniko yimor. Yihato Saimonrhukunys yi tohmor. Saimonr bingot lepra dbohneft yakmotrn to biftrufnimot. Nd Saimonrhu kunys nuwa ye hasetrn wom mett be tudborioh mtha yahrnyet wel botort hnamot. Nd wel botort frtfnamotntnd bro maruhaye wiknamo welpaye Jisahrhu mfhat fuk wunamotr.

4 Nd mett Jisahr welpa wunamo yuhat yimam htihato tum nnakfomemom, "Tamohmpno nd mett welpam be wurasoh furetm?"

5 Nd wel botort yimam 300 silva maruhaye wiknarfotmt nd maruhamyakrfonomm herfonom nd maruhapa duha yimam." Inji kfo huttmomt.

6 Jisahr memorm, "Inji akfowahkomt. Rot tu dborioh neft nita.

7 Nd niko kfiwa maruha duha yimam, rom nhai fitha yiruhatm. Kangko, fitoh yiha ahti dukanomm, nhai mrokfom. Na, na nhai womtohnhorhotanko.

8 Nd mett ka tamohr bi kfo memort, 'Yima gur welpam wunefiwakanjo welpam bi wayuk wunafokahtnr yopt yirahr.'

9 Na kfo mifwanko gutnius mrokfot kfo ptha habrineft, ndarmett nefineft nhaf kmi kmi kfo ptha duka htfasrahmt."

Judasr kfo fakiomor, Jisahrhu hndhna yuhat

(Matyu 26.14-16 yo Luk 22.3-6)

10 Nd yiha 12-pela disaiperrhoh wom disaiperr kutewumr JudasIskeriotr prisroh bro yimampno yimor. Yihato kfo memorm, "Injiinji hndhnanuhanr."

11 Nd bro prism wanyhato yindhormom. Yindhorhato kfo memomr, "Maruha hirahnomn." Judasr wanyhato yima yuhur fak nhtamoumrJisahrhu hndhna yuham.

Jisasrhu hus disaipperf yeshrim hta mskamo yuhat

(Matyu 26.17-25 yo Luk 22.7-14 yo 22.21-23 yo Jon 13.21-30)

12 Be rhumomn nd yispa hta duha bretpam yeyuk yiharoh barkofyihar niamor. Nd yispa hta duha bretpam yamoa barkof yiharn Pasofasifsifr washato ndr tarioh mthamoum. Nd yihar disaipperm Jisasrmkfo ttiwon memomr, "Nd Pasofa burwat rhu thombat, nome yeshrimfitha hta mskaruhatnom ni ruhato ye jukaruhant?"

13 Jisasr turhu hus disaipperf kfo memorf, "Waikahfnn tauntwom yimar burioh roht titetrpno mnafuryakrahko. To be mirahfnfinji ainyo. Rorn wayau hikaknitwafn.

14 Ror fitoh kunys kitwor, nifn nd kunys yikfot. Fknenihatond kuny sikatr wakfo wamitwafnr, 'Tisar kfo famur, "Waikahfnnnd kuny shofr ayak nuhastwarfn nani nanhu disaippermno Pasofaburwa yeyuk tkitt." '

15 Inji wakfo ttiwonkahtfn yurakorhof rumt yak nuhasrahrfn.Nd rumtn mhtirahfnm tebor gaji nd ndm. Ndharn wahta mskatwafn.Nom nierahnom."

16 Be rof yimofn nd Jisasr kfomo yimar kmi yifhatiktnt toh hasetrmhtimofr. Ror yimo kunys yimof. Nd nd nefm be Jisasr kfomo tngyuhatn hti bugamofm. Be ndharn ruhato hta mskamofm nd bro yihayeyuk yeshrim.

17 Yifungnano Jisasri turhu disaipperm mfnah bugamotm nd husyimaf hta mska hasomo yeshrim ruhato famomm.

18 Ye hanyhato Jisasr kfo memorm, "Na kfo mifwanko, nikmohwomrn hndhnrhotra wasrahma. Tor asha kenuhiwurnom na hndhnraruar."

19 Be inji kfomotr disaiperrho yima yuhum foh tmbhonimomm.Rpa rpa sinyahato kfo ttiwon memomr, "Ni kfihat frohmn injinaruhamn? Ka nann?" Tfit womr sinyahato kfo memor, "Ka nann?"Womr, "Ka nann?" Womr, "Ka nann?"

20 Jisasr kfo memorm, "Tor womr korhnuhiwurnom. Nd yimar bretpatyaknhohato wain bupayet dis tayifaknuhir, tor nd yimarn hndhnrarahra.

21 Bro Najomr kangr anoha, ndt mrokfo duhatet. Rorhu noh nmbuhathumrokfot bi nkifrapmpno kfo tndh hnettn nhai finji kforuhatt. Tmiftnd Bro Najomrhu yak hndhna hanyuk yimarne kanga fitoh yuhat yiruhar?Mmemt hiyau duha rhurmotr."

Jisasr disaipperm bretpa, wain bupa hemo yuhat

(Matyu 26.26-30 yo Luk 22.15-20 yo 1 Korin 11.23-25)

22 Nuwa ye hasohato Jisasr bretpat yakmortn Bro Nkifrar wukfoyindhornimorrn yak tif nhombrahato disaipperm he nhombrahi hanymorm.Kfo memorm, "Nd bretpam wayak wayakomm. Ndm nanhu nmpayem."

23 Wain bu kaft yakmort nhaf Bro Nkifrapno kfo yindhornihatotengot nhombra he bugamotrm famomm.

24 Kfo memorm, "Ndar wain bu kaft tfit niko yekwat nd nfriyihotar hingrnaruha hingrnefet. Kto na nohhato nanhu kkut yohnithombat nd kkupamn nd nfri hingrneft be yak dbkafrahtt. Be tawond nfri hingrneft wahiktwako.

25 Na kfo mifwanko, na nhai tfit wom wain bupam yerhota. BroNkifrarhu kingdomkforpatn tohhato ee btn nfri wain bupam tfityeruha."

26 Be wuroht, windoht windoh trufnihato be tfit Olifet kmiyorgko yimom.

Pitar mong trohruha nmbuhat Jisasr kfo pthamor

(Matyu 26.31-35 yo Luk 22.31-34 yo Jon 13.36-38)

27 Olifet yorgr mfnahhato disaipperm Jisasr kfo memorm, "BroNkifrarhu rfa borngt kfo kangt,

'Tohukatohr wasaknirhotanr sifsifm natubaturahm.'

Sek 13.7

Nd mrokfot bi ruhettnt niko bugako na finji naknewuma, kakrmetrohwokma.

28 Tfit sinyaruha. Sinyahato na bi Galiliko tohak hanyruha."

29 Pitar wasinyahato memor, "Ndar wommn wakfo. Romn buha msuhtahatomhik htafrahm. Na nhai mhik htafrhotann."

30 Tfit Jisasr memorr, "Na kfo mifwann, hrek yifungnano krirhuhusyuk naku tngt tafi wany juha, husfirpa kfo namhit kfo namhikangnm, 'Na nhai tawisafkahanr Jisasr.' "

31 Pitar sinyahato kfo memor, "Be tu nhai mif. Na kanga, ninpnoanoha, to nhai tfit kafrohrhotant ninhu yufat." Pitar kfomo yuharpatwom wom disaipperm rpa yuharpat kfo ptha hikmom.

Jisasr Getsemani swirtn kfo bruttnamo yuhat

(Matyu 26.36-46 yo Luk 22.39-46)

32 Jisasri disaiperm afo Olifet kmit tohetmn yimom wom tkittkutewumt gaden Getsemani. Ndha Getsemanit mfnahhato Jisasr kfomemorm, "Asha afo warhu hasoko. Na afo Bro Nkifrar rim kfo bruttnefiwa."

33 Pita Jems Jonrompno yimom. Yihato Jisasrhu yima yuhurionhai marnyarmorr. Yima yuhur be nur dungunangu yima yuhurpno rhumour.

34 Be yima yuhur yak nhombratihato kfo memorm, "Yima yuhurbe nd nur dungunangu yima yuhur mtakihwotra kanga be amyakniya. Asha warhu hasoko. Mirahko ahwanyom."

35 Wunye kkofmorn bbinyssoft msuhhato kfo bruttnamor. Memor, "Akfo bruttnakahta nd krho mis nhai yakrhotta."

36 Kfo bruttna hanyhato kfo memor, "O Dajaye, ndar bbinyssofthuyimaroh fasoh nefm na be hta krhorhotma nann nohruhanm. Bi brbohwhattkanga akfoyann. Nd krho mis na yakruhat kangn ayak tuhant, behifa, na yindhorwa. E nhai, kangn ayakrt, be nhai mrokfom, yakruhant. Na be ninn yukatohruha. Kangn, finji anaya, nhai mrokfom."

37 Inji kfo bruttna tanyomrn tfit yimom nd husfirpa yimam rhuhasomo tkittn. Yihato yihom htimorm hwi hasetmn. Rim tohhato kfomemorr Pitar, "Saimone, nine aso hwitn? Nhai rpa auakfot aforuhakkfot?"

38 Niko sinya rhuhato kfo bruttna hasokfot. Hwe rhu fura hasorahko, to be tamoh nefm mfrnhehrahmko to be suhrahko. Yima yuhur sinyarhrfinji na finji naneft, to thatipt, fitha bbukeft yakruhat?"

39 Be inji yihom kfo tanyomrn tfit yimom tur kfo bruttnamomrokfom wompam kfo bruttnamor.

40 Tfit wompam nhaf niahato yihom htimorm nyinga krkotakhatohwe hasetmn. Yihom htihato tfit yihom frthumorm. Yihom frthumotrmmfhtas sinyahato nhai hifa yima yuhom yakrmom pthayukm.

41 Ror inji yihom hti tanyhato tfit yimom. Yimom tfit niahatorpahtet neft yihom htihato kfo memorm, "Barenko, nikome asokoyuhre hwe tokr hasiwuko? Be tmift nd hwe tokr hasoneft. Wawanyko. Yihar bi asor. Bi na Bro Najomanhu fasoh fasoh net yimaroh tirrohyi yihayer bi.

42 Wasinyakhtko riyahnom. Wahtiko, nanhu mhndhnakyuk yimartor bi niewur."

Judasr yihato Jisasr mhndhnakmo yuhat

(Matyu 26.47-56 yo Luk 22.47-53 yo Jon 18.3-12)

43 Jisasr yuhre ptha haso hanyomr, rorhu yakyuk yimam mhatohmomt bainati mhrr. Tu Jisasrhu disaiperm Judasrn hatohakmorm. Prisorhbro yimami nkifra boririfhuthu tisame Judaroh bro yimam, kfo tkrurmotmm Judasr hasinyamorm.

44 Nd Jisasr hndhnakyuk yimarn bi kfo hta bohta memorm, "Wahtiyafohanyswokma. Na yauyaknihato fitoh yimar mkihendhoraknitwa, wamitwako, tor nd yima Jisasr. Ee inji bi htitwokma, nd yimarn yauyaknihatoyakkfot. Yakhato be yima tire hanyruhakomrn bro yimampno hanykfofot."

45 Be nd Jisasr rhumo tkitt mfnah-mohat, Judasr yauyaknimomrn Jisasr rim kihendhoraknihato kfo kangrr, "Tisa."

46 Be yimam yauyaknihato tirtir fakmomr.

47 Rom fak hanyomomr, Jisasrpnno toh hasoyuk disaiperr mhti nambur-nihatobainat watuhakmortn ka prisroh bro tohak yimarhu hingrna yimarbainate yimbhindangt frbubafmotrr misuhmot.

48 Jisasr sinyahato kfo memorm, "Barenko, nane raskor yimamkanjo bainat, mhrr hasinyahato nia kekwokma?"

49 Na yiha yiha Bro Nkifrarhu temperr yorhwa kmifat tohhatomet yindarim mrokfom hemoahat nhai niko inji yihato hfnahaknirmokma. To nhai mrokfom. Ndar niko niwa nmbuhat nhai finji kforuhatnom. Bi profetmn mrokfot bi kfo hnettn to be bi rhu hikwot bi."

50 Nd turhu disaiperm htimom bi Jisasr kak hasiwumre, rom fakrmetroh tanyomomr.

Wom yima damiagr yakrmemo yuhat

51 Wom yima damiagenr ganyom hmbresha wondhetr Jisasrn hikhanyomor memom, ka yakrahnom,
52 to nhai, yakrmiyakhato hmbreshat thu brhoh tanyhato sfnobmbombrohr fakrme fnahmor.

Jisars kaunsermpno kot tohmo yuhat

(Matyu 26.57-68 yo Luk 22.54-55 yo 22.63-71 yo Jon 18.13-14 yo 18.19-24)

53 Nd Jisars yakniyuk yimam hanymomrn tu nd prisroh bro tohakyimarhu kunysn hanymomr. Nd kunysn prisroh bro yimam yo Judarohbro yimam yo nkifra boririfhuthu tisam rifinymom.

54 Pitar, ror be nhowi mongkongotn fau ss hik hanymourm. Biprisroh bro tohak yimarhu kuny kmifarn bi hanitwomre, ror be nhowiyimorn Bro Nkifrarhu temperr tohukatohyuk yimampno brbo kahtpnohaunymour.

55 Jisarsru kotkfot yakitohyuk bro prism yo Judaroh kaunsermfak hambromoum yimam. Memom, "Wom yimam ayakkahnomn romn womkfo wok mrokfom htaruhatmm Jisars wasrahnomr," to nhai, wansitamomm. Rroh mrokfom nndo nndo pthamomm.

56 Yimam be yuwi furahato pthamoa mrokfom, womroh mrokfom ndoyimoum, womrohm nndo.

57 Wommn kfo wok fura memom,

58 "O nomn wanyonom kfo memor, 'Bro Nkifrarhu temperr yaktasohruhoyanrn tfit husfirpa yiharpa tfit kasinyaruhanr. Kasinyathoft nhai yima tire hingrnaruhatr.' "

59 To nhai, nd nd mrokfom rom pthayukm nhai be rpa mrokfo yuhatptha hikromm. Womm nndo ptha-moum, womm, rom nndo pthamoum.

60 Jisars nd yimam pthamoa mrokfom wanymoahat nhai kfo wokromm. Ndnnett prisroh bro tohak yimar sinyahato Jisars kfo ttiwon memorr, "Tamohmpno ndar rom kfiwa mrokfem be rhuhato wanukanm? Waptha!"

61 Jisars nhai ptharmor.

Tfit wompam kfo ttiwonmorr, "Ni asone nda bbinysofthu yimarohminrfa htiyakyuk yima Kraiss Bro Nkifrar nd kfo tkrurafmor? Nind Tunga Nkifrarhu Yon mife?"

62 Jisars wasinyahato kfo memor, "Na to tawom nda. Htirahkomana, Bro Najoma, tfit bro hta nngrajohet Nkifrarhu tirmifko rhuhatogribpamn hawihnerahmr."

63 Jisars inji kfomotr prisroh bro tohak yimar inji wanyhatororhu yarim ruhakyuk hmbreshat teh dborfamort. Teh dborfahatokfo memor, "Mirahko tfit wom yimam anakukahnomn nda yimarhu nefmania apthanom.

64 Bi wanukomr kfo yamuhat, 'Na Bro Nkifraya.' To finji dukewako? Ndar yimare finji naruhanomr?" Tfit nd kot tohyuk yimam kfo memom, "Nd yimar bi mrokfeter anohtwar."

65 Be inji kfonihato tuha kuninfar bokuninfar thumomr. Nyingatiktrmonthaye kitasiftahato tire frsrfa bosrfamoumr. Frsrfa hanyhatokfo ttiwon memoumr, "Nd ni frsrfiwa yimame frohem?"

Pitar kfo memor, "Na nhai Jisars tawisafkahanr."

(Matyu 26.69-75 yo Luk 22.56-62 yo Jon 18.15-18 yo 18.25-27)

66 Pitar kuny kmifarn kah haunyo hasetrn bro prisrhu wom hingrnayukmett mhtimotr.

67 Mhtihato kfo memotr, "Ni to aso womenn Nasaret thof Jisarsrnotohnho htfasmoa."

68 Pitar sinyahato kfo namhi memor, "Bare, nann yari yutewun. Na nhai tawisafkahanr." Pitar inji kfoni hanyhato kmifathu getkfotnyihom tohmor. Ndha yihom toh hanymor krir nakumor.

69 Toh hasetrn tfit nd bro prisrpno hingrnomoa mett ndha yihomhtimotr. Yihom htihato nd brbo toh nafif htfasmo yimam kfo memotm, "Asor womenr Jisarsrpnno nd toh htfasmoar."

70 Pitar tfit wompam kfo namhimor. Kfo namhimotr nd toh nafifhtfasmo yimam toh hanyhato kfo memomr, "Bare, ni aso rroh womenn. Ni Galili thofe."

71 Pitar tfit wasinyahato kfo memor, "Na tu be kfo mif mifwanko, na nhai mif tawisafkahanr nd niko kfiwa yimar. Na kfo furewane Bro Nkifrar yak tutfarahra."

72 Inji kfo hanymore, ee tfit wompam krir nakumor. Krirhu nakutngtpno Pitarhu yimbhindangm ndnatn tuppomomr. Tuppohato yimayuhur tfit niamotrr tfit dukamort Jisars kfomo mrokfot. Kfo memor, "Hrek yifungnano krirhu husyuk naku tngt tafi wany juha, husfirpakfo namhit kfo namhi kangnm, 'Na nhai tawisafkahanr Jisars.' "Nd mrokfot

dukakhato tuha rim nur kaugomor.

15

Pailatrpno Jisasr kot tohmo yuhat

(Matyu 27.1-2 yo 27.11-14 yo Luk 23.1-5 yo Jon 18.28-38)

1 Dbha ksftun prisroh bro yimami Judaroh bro yimam, yo nkifrarboririfhuthu tisam, yo wom kaunser bugam rhu rifinyhato Jisasrhukotim yuhat naphamom. Naphahato memom, "Pailatru tirtn htarahnomr." Mrokfot nayak nhtamomtn mti baklain tofe kimomr. Kiyakhato Pailatrpnohanymomr. \f (15.1) Nd yima Pailatr Rom thofer. Tu Rom thofmn htamomr Judaroh gafanar. Tu Judaroh kotkfot tohyuk yimam nhai bi wasrmoamm, afo tfit Pailatrpno hanymoumm. Ndnetmn Jisasrhu waskfot kfomohattu Romm htayuk Pailatrpno hanymomr. \fe

2 Pailatrpno mtohmotr kfo ttiwon memorr, "Nine Judaroh kinge?" Jisasr memor, "Uwa. Mrokfot to bi kfo twanhiwunt."

3 Prisroh bro yimam ritohhato wom kfo wok mrokfom tumomm.

4 Pailatr kfo memorr, "Bare, ni wanuknm nd yimam ninhu yufatpnomhfahniwa mrokfom? Tamohmpno ndar kfo wok bowokwa mrokfom tawokfo wok duha yitanm?"

5 Jisasr nhai wom mrokfom ptharmor. Pailatr inji htihatoduka nhi memor, "Arr tamohtet yimarn nhai kfo wokkahrm?"

Pailatr kfomor Jisasr yura bgre misn anohr

(Matyu 27.15-26 yo Luk 23.13-25 yo Jon 18.38--19.16)

6 Pasofa burwa yiharn kalabus tohyuk wom yimar Judiaroh gafanarkak thu hnamourr. Tu kmi thofmn fitoh yimar yibonwom yak tuhafoneft, yufat yutamoatm, nd yimar kak thumour.

7 Nd kalabus htamo yimam gafmanrpno wom yahrt rhumott wom yimamnambur tonehato yima wasmom. To nd yimam kalabus htamomm. Nd yimarohwom yimarhu yufat Barabasar.

8 Nd Pasofakfot yi rifinyuk yimam yi rifiny bugahato Pailatrkfo memomr, "Ni tu Pasofa yiha na hakuta kanjo hrek inji wana."

9 Pailatr mtohnihato ttiwon memorm, "To finji dukewako? Nda Judaroh kingr kangko ayak tuhafoya?"

10 Jisasr be prisroh bro yimam kfo wok furahato kalabus htamomr. Ndnettn Pailatr ndhtet kfo ttiwon mrokfot htamort.

11 Prisroh bro yimam bi kmi thofm kfaf hany memoumm, "Wakfonaku wameko, 'Pailatr Barabasar ayak hfhanafor.' " Be nd bro prisrohkfomo yuhat kfo hikmom.

12 Pailatr wanyhato ttiwon memorm, "To nd niko kfo yamuka Judaroh kingr, nd yimare finji naruhojanr?"

13 Nd yima rifhur tohmor wanfak wanfak memom, "Bgre misn wakihegirkomr."

14 Pailatr memor, "To tamohmpno? Finji namotr inji naruhojanr?" Tfit mrhuni mrhuni memom, "Bgre misn wakihegirkomr."

15 Be Pailatr memor, "Rroh yima yuhum ayak marnyanam." Ndnatn Barabasar yak tuhafmorrn tfit Jisasr yakhato soldiaroh tirm htamorr. Memor, "Romn wife wife tabotakhato bgre misn kihegirrahmr."

Soldiam Jisasr kfo tfar botfarmo yuhat

(Matyu 27.27-31 yo Jon 19.2-3)

16 Soldiam Jisasr yaknimomrn hanymomr mrokfo yakitohyuk tkitrn. Nd tkitr hanyhato soldia bugam yi rifiny bugamom.

17 Ror hatohmo hmbresham fak rhoh bugamomrn tfit kku kcorpakanjo fnhuyet rmonthar thu kasimomr. Yo soldiam huhra mtitoftyakmomtn kingroh mfham hatohwa yabisoht kanjo yakkemomtn mfhatwathu hamsismomr.

18 Yo yon mumenm kanjo wukfo tfar botfar memoumr, "Woi, Judarohkingr." \f (15.18) Wahti Matyu 27.9 yorhwa kfo nuhasyuk mrokfot. \fe

19 Inji kfo tfar botfarmomr yo kuninfar thumoumr. Yo tirtyakitohyuk mis dhemot, ndt tfit yak hutfakmoamr mfhapako warbigmoumr.

20 Nd kfo tfar botfar tonemomrn yo tfit nd kku kkorpa kanjofnhuyet rmonthar yakta thumomrn tfit turhu hmbresha mifm hmbremomr. Hmbrenimomrn hanymomr bgre mis tuhegirryuk tkittn.

Jisasr bgre mis tu hegirmo yuhat

(Matyu 27.32-44 yo Luk 23.26-43 yo Jon 19.17-27)

21 Kmi rim fnahnitm htiyakmorm wom yimar. Nd yimarhu yufatSaimonr, Sairini thofr. Aleksanda Rufusrofhu yifemer. Nd yimaSaimonr memor, "Taunko aiya." Soldiam ror yakmorn nd Jisasrtita hanyomo bgre mis rorn tfit wathu titafmom. Rorn tita hanyomort.

22 Jisasr soldiam yakni hanyomohat hanyomorm wom tkitt kutewumtGolgota. (Kfe sfiohniyet yima mfham kanjo nd tkitt rhumoatt futamoumtiyima mfha tpit.)

23 Memom wom marasinm wainpampno bi rpat yak tahmor hmbriyetmJisasr ahikahtnomr yeruharn nd frtekr botkermo tkitm frifarahmr.To nhai. Kfo kurmor. Nhai yak yarmorm.

24 Soldiam Jisasr yura bgre misn kihigirnihato yo tfit rorhuhmbresham yakhato pirai satumomm.\f (15.24) Tahiham tubatu hanyomomnhtimom, frohrn hifa tahis fturt, nd yimar fakmor Jisasrhu womhmbresham.\fe

25 Dbha 9 kilok tuhegirmorm.

26 Wom mrokfo nmbuhat plan mkutn wandfakmomtn yura mfhatpnofrdbkafmomtko. Nd mrokfot rom wandfakhato htamot kfo memot, "JudarohKingr."

27-28 Jisasr tuhegirmo tkittn hus rikoh yimaf mano mano tuhegirmomf.Womr tirmifko hirmor, womr kindonko hirmor.\f (15.27-28) Wom safemanmduka memom, tot wom mrokfo nmbuhat ndar veskfothut. Nd mrokfonmbuhat inji kfiwut, "Bi Bro Nkifrarhu rfa borngtn mrokfot kfomemota, 'Nd yimar htimomr fasoh nefm nayet yimam kanjo. Nhai hifanyingar htarmoamr.' Nd mrokfot bi kfo htamot bi tot bi mfrfnahhanitt." \fe

29 Jisasr hegirmo bgre mis tu yihota yuhat tohettn rim fnahnimfnahniyuk yimam rim grha wase bowasenhato yihom kfo tfarnyimkfo tfarnyamoumr. Kfo memoumr, "Ni kfo mayete, 'Bro Nkifrarhutemperr yak tasohhato tfit husfirpa yiharpa tfit kasinyahato hingrnaruhant.'Ni inji kfet yimaye.

30 To btn wamifnahnekahtn ahtinomn."

31 Nd prisroh bro yimam yo nkifra boririfhuthu tisam, rom rpatinji kfo tfar memomr, "Ndar yimar ror toh hingrna hnamohat bokmet yindarim rorn fak marnya hnamorm. Asomift to nhai tur mifnahnekahtnhtikahnomr.

32 Nd Isrerroh kingrn Bro Nkifrar kfo tkruraf thombat nda bbinysofthuyimaroh nrfa htiyakneft, afo tur amifnahnekahtn ahtinomr. Htiruhanomnduka mirahnom tu nmoh nrfa htiyakyuk yimayer." Nd mano mano hirmoyimaf rof nhaf kfo tfar mrokfom kfomofr.

Jisasr nohmo yuhat

(Matyu 27.45-56 yo Luk 23.44-49 yo Jon 19.28-30)

33 Dany marrn marrhu nukeft be rim nohnimot. Kantri bugat beyambontift rhumom. Wuroh 3 kilok krif marr tfit niamor.

34 Tri kilok kanjo marr toh hanyomr Jisasr tau nakuyafmor,"Eli, Eli, lema sabaktani?" Nd mrokfothu mrokfo yimbu yuhatinji kfiwut, "Nkifraye, Nkifraye, tamohmpno bi frtrohwona?"

35 Inji kfo nakumotr brbo tohyuk yimam wanyaf hanyhato kfomemom, "Nd yimar IraiJar nakutr."

36 Wom yimar toni hanyhato spans yakmorn wainpamn tayifakhatomiyeftn htahato memor, Jisasr hikahta bupam ndtn tmasakrahr. Bupamhehato kfo memor, "Afo htiyaf hanyrahnom, IraiJar naku kfihatIraiJar finji naruharr?"

37 Be wuroht tau nakuyafmorn be mfaknimor.

38 Yimar myakni hanyomo fijo nd bro rmonthar temperrhu tu NngrajohHnaru Gnanhehr gna rafomorm be buha mifn rmonthar yoh nmbmornmano mano rim rhu mrhumor. Yurak wuyoh nmbrakmorn miyoh nmb witanihatomano mano rim hir mhirmor.

39 Jisasrpn brbo tohmo amiroh keptenr Jisas nohmo yuhat htihatotuha mfha tha duhatr rhumor. Memor, "Dajohmn! To finji tfit kforuhanom?Ndar yimar tu Bro Nkifrarhu Yon mifer."

40 Tom wom metm be inji wuri kkof tohhato hti hasomoum. TaunMakdala efkot Mariat, Jemsri Josefrofhu mmem Mariat yo Saromet,nd nd metm hti hasomoum.

41 Nd yute metmn Jisasr Galilit tohmohat romn uhik ahik htfasmoamrntamoh tamohm romn hiyaf hanyomoumr. Yo wom metm rpatn Jisasr Jerusalemkoyimohat hik hanyomorm.

Jisasrhu thatipt tahi muhtn rihtamo yuhat

(Matyu 27.57-61 yo Luk 23.50-55 yo Jon 19.38-42)

42-43 Judaroh taun Arimateathu wom yimar tohmour. Rorhu yufatJosefr. Juda kaunserkfot rorn nd kaunserkfot hingrna tohnhomourm.Bok met yindarim rorhu nefm hifa hti wofnmoumm. Rorhu dukeft dukamemour, "Bro Nkifrarhu kingdomkfot afo nanhu nyingaye afo htiruha!"Nd dukeftpno tohmour. Nd Fraide yihar, bi tu Judaroh bro rhu krnaSabat yihar bi rhu yibon hanymomr. Sarere yihar nd rhu krna yiharrhumourm. Ndnetrn krifnana Jisasr bi nohetrn nhai wofnrnmor Jisasrhutfkhat wom rhukfot. Pailatrpno yimorn mtohhato ttiwonmor Jisasrhuthatipthu yakni yopneft. Nhai yakrmi hanyhato yi mttiwonrmorr. 44 Pailatr Jisasrhu noh mrokfot wanyhato tuha mrokfo duhatrrhumor. Be yudbat turhu keptenr nakumorr. Memor, "Afo tu keptenrpnowany marnyaruha Jisasrhu noh mrokfot." 45 Pailatr keptenrpno wany sungunahato ee Josefr kfo fakiowafmorrJisasrhu thatipthu yaknineft. 46 Josefr Pailatru tngt wany marnya tanyhato yimorn nfri ganyomrmonthar wiknakmor. Nd nfri rmonthar yak nyingt htatahato Jisasrbgre miyetr wuyak kasuhakmorrn ganyom rmontharn wahtahato rirhmbremorr. Rir hmbreyaknihato hanymorr. Hanyhato tahi muhtn rihtamorr.Nd tahi muhtn htamorrn tahis yakhato tahishu muht hta tittafmort. 47 Makdala efkot Mariati Josefrhu mmem Mariat tohhato hti hikmomJisasrhu thatipt htamo tkitt.

16

Jisasr sinyamo yuhat

(Matyu 28.1-8 yo Luk 24.1-12 yo Jon 20.1-10)

1 Nd rhu krna Sabat yihar rhuni bugahato Makdala efkot Mariatyo Jems Saromerofhu mmem Mariat welpam wiknakhato memof, "HanyhatoJisasrhu thatipt gbrorna wunarahnonr."
 2 Sande yiha bi dbha ksfutn sinyanihato yimom nd Jisasr rihtamotahi muht.
 3 Yau hanyhato tfit tuf rinnakfo nakfo hany memouf, "Nd tahimuht frtasif tanyomo tahise frohmn yak rihtaf nuhafrahamno?"
 4 Inji nnakfonihato asha mtohhato htimoft nd yonmari tahismuht frkih tanyomot nhai wom rhurmot.
 5 Be sfnohtn be yauyaknihato fau fknenimof. Yiro rim tohhatoasha htimofr wom yima damiagr yok thar hmbreyetr tirmifko rhuhasomor. Be tuha mrokfo duha tohmof.
 6 Nd yima damiagr kfo memorf, "Mirahfn afohtasno. Nifn kand bgre mis kihgirmo Nasaret thof Jisasrhu yau hafott niefn.Nd yimar bi sinyani yifir. Ndart ror yarim htamo tkitt, bi sfnohtkit furayet.
 7 Waikahfn turpno yau htfasmoa yimam yo Pitar wakfo wamitwafnm,Jisasr bi sinyanihato bi Galiliko mtah gari hanitrm. Tur kfomoyuhatn Galiliko ndko amhtitwamr."
 8 Nd yima damiagr pthamohat, be bro yakrme rifhurpno tohhatowanymoufr. Be nd yakrme rifhurpno fnahnihato yimof. Yimohat nhaiwom yimar kfo marimofr, "No inji htitawono."

Makdala efkot Mariat Jisasr htimo yuhat

(Matyu 28.9-10 yo Jon 20.11-18)

9 Jisasr Sande yihar dbha ksfut sinyamor. Sinyanimohat barkoftMakdala efkot Mariatpno myak nriyafnimotr htiyafmotr. Nd met MariatnJisasr yima nfri tohmohat 7-pela kmi yarhm fak thumort.
 10 Mariatn hti switafhato rotn yihato Jisasrpno yau htfasmoayimam nur dungunangu hasetmn mkfo nuhasmotm.
 11 Kfo memotm, "Jisasr bi sinyer. Na bi tuka htiyefiyanr."Nd nur dungunangu hasoyuk yimam nhai wany yakiormomt. Rom memom,ka yuwi furewut.

Hus yimaf Jisasr htimo yuhat

(Luk 24.13-35)

12 Kto Jisasrhu wom hus disaipperf tuha taunt sinyanya tanyhatoyimof. Buha yihotatn Jisasr htiyafmofr. Rorhu ruheft nndo tfithtimofr.
 13 Be rof inji htiyafhato womm yi kfo pthamofm. Womm rof kfoyukmrokfom wanymohat nhai wany yakiormomf. Memom, ka kfo furewut.

Jisasr rorhu disaiperm kfo tkrurafmo yuhat

(Matyu 28.16-20 yo Luk 24.36-49 yo Jon 20.19-23)

14 Kto wuroht tu Jisasrhu 11-pela disaiperm nuwa ye hasetmnmifnahmotr htimomr. Yihato kfo huttmorm. Ror htiyafomoa yimamkfomoahat nhai wany yakiormoam. Memom, ka be kfo furewum. Ndnatnkfo huttmorm.

15 Kfo memorm, "Nikomn ndar bbinysofthu kmi kmim nanhu mrokfotwakfo nuhashi habri bugatwakomm.

16 Waptha habrikahkomn fitoh yimam wany yakiohato baftais kakhanitm, nd yimam Bro Nkifrarhu tirtn rhurahm. Yimam nhai wanyyakiokahm nd yimam be bro kotkfot tohrahm.

17 Nanhu mrokfom wany yakio hanyruha yimam wom bbukeft BroNkifrar hi hanyrahm. Nanhu yufatpno yarhm yak thurahmm. Yo womndoh yarmumam be ptha furakni hakurahmm.

18 Yima waset nandom nehun tire yak hakurahmm. Foret yeshrimyerahmm be nhai finji naruhatm. Be fipa duhatm rhu hakurahm. Dbohnetyimam rom tir htarahmm be marnyani hakurahm. Nd nd nefm yimamhtiruhamn mirahm, tu Bro Nkifrarhu bbukeftpno hingrnewum."

Bro Nkifrar Jisasr hefenko hamuhmo yuhat

(Luk 24.50-53 yo Aposer 1.9-11)

19 Bro Nungohtet Jisasr nd mrokfom kfo buganihato be Bro Nkifraryakhato hamuhmorr hefenko. Hamuhmorrn turhu bro bbukeft yorhwatirmifko fak htamorr.

20 Be Jisasrhu disaiperm kmi kmim yi htfashato Jisasrhu mrokfomkfo ptha habrimomm. Bro Nungohtetr tohno-moatrm rom pthamoa mrokfemfipetm rhumoum. Wom wom mirakerkfom rpat hingrna htfasmoum. Ndnatnrom pthayuk mrokfom wany yakiomoumm.